



অর্থ মন্ত্রণালয়  
বাৎসরিক বাজেট  
২০০০ - ২০০১

বাজেট বক্তৃতা  
শাহ্ এ এম এস কিবরিয়া  
অর্থমন্ত্রী

( দ্বিতীয় পর্ব )

ঢাকা

২৫শে জ্যৈষ্ঠ, ১৪০৭ বাংলা  
৮ই জুন, ২০০০ ইংরেজী

## দ্বিতীয় পর্ব রাজস্ব কার্যক্রম

মাননীয় স্পীকার,

আমার বাজেট বক্তৃতার প্রথম পর্বে বাজেটের বিভিন্ন প্রস্তাবসহ দেশের অর্থনীতির সার্বিক চিত্র তুলে ধরেছি। দ্বিতীয় পর্বে আমি এই মহান সংসদে সরকারের রাজস্ব সংক্রান্ত বাজেট কার্যক্রম পেশ করতে যাচ্ছি।

আপনি অবগত আছেন যে, আমাদের মত একটি উন্নয়নশীল দেশে মুক্ত বাজার অর্থনীতি এবং বিশ্ব বাণিজ্য উদারিকরণের পরিবেশে সঠিক করনীতি প্রণয়ন ও তার বাস্তবায়ন মোটেই সহজ কাজ নয়। কর নীতির মাধ্যমে একদিকে যেমন বাণিজ্য উদারিকরণের সুফল আহরন করতে হবে অন্যদিকে অবাধ বাণিজ্য নীতির ফলে উদ্ভূত অসম প্রতিযোগিতা থেকে যথাযথ প্রতিরক্ষণের মাধ্যমে দেশীয় শিল্পসমূহকে রক্ষা ও লালন করতে হবে। এছাড়া কর-নীতির মাধ্যমে শিল্পে বিনিয়োগ বৃদ্ধি, আয়ের অসম বন্টন ধীরে ধীরে কমিয়ে আনা এবং দারিদ্র দূরীকরণের মত লক্ষ্য অর্জনের প্রচেষ্টাও চালাতে হবে। বিশ্ববাণিজ্য উদারীকরণের বর্তমান ধারায় একটি বিষয় স্মরণ রাখা প্রয়োজন যে, অবাধ ও অনিয়ন্ত্রিত উদারীকরণ ব্যবস্থা বাংলাদেশের মত একটি উন্নয়নশীল দেশের জন্য নির্ভেজাল আশির্বাদ নয়। বিশ্বায়ন (globalization) এর মৌলিক ধারা অনুসরণ করে আমদানী শুল্ক ও অন্যান্য বাণিজ্য প্রতিবন্ধকতা (trade barriers) ক্রমান্বয়ে এবং যথেষ্ট সতর্কতার সংগে হ্রাস করতে হচ্ছে অন্যথায় তা দেশের জন্য অর্থনৈতিক বিপর্যয় ডেকে আনতে পারে। এ প্রসঙ্গে সম্প্রতি ব্যাংককে অনুষ্ঠিত দশম UNCTAD সম্মেলনের খসড়া প্রস্তাবের অংশটি বিশেষ প্রাধান্যযোগ্য : “The developmental impact of globalization has been mixed: while some developing countries have benefited, others have not. Economic disparities among countries have not been reduced, with the result that a number of developing countries, particularly the LDCs, run the risk of further marginalization.”। আমাদের তাই অর্থনৈতিক উন্নয়ন নীতিমালা প্রণয়ন ও তার বাস্তবায়নে হঁতে হচ্ছে কুশলী, অবলম্বন করতে হচ্ছে সতর্কতা।

## মাননীয় স্পীকার,

০২। নব্বই দশকের প্রথমার্ধে অতিদ্রুত গুরুত্বের ফলে উদ্ভূত সমস্যাবলীর সমাধান বর্তমান সরকারকেই করতে হচ্ছে। অপরিণামদর্শী এসব পদক্ষেপের ফলে হাজার হাজার শিল্প রুগ্ন হয়ে ব্যাংকিং খাতে খেলাপী ঋণের বোঝা বৃদ্ধি করেছে। রুগ্ন শিল্প সংক্রান্ত কমিটির কার্যক্রম সম্মুখে আমি আমার বক্তৃতার প্রথম পর্বে বর্ণনা করেছি। তথাকথিত বিশ্বায়নের স্রোতে গডালিকা প্রবাহে গা না ভাসিয়ে বিচার বিশ্লেষণের মাধ্যমে সুচিন্তিতভাবে আমাদেরকে অগ্রসর হতে হচ্ছে। বিগত এক দশকের অর্থনৈতিক উন্নয়ন অভিজ্ঞতার আলোকে বলা যায় যে, একটি দেশের অর্থনৈতিক সম্ভাবনাকে কাজে লাগিয়ে উন্নয়ন ধারাকে অব্যাহত রাখার জন্য প্রয়োজন ভারসাম্যমূলক সমষ্টিক ব্যবস্থাপনা, নিয়ন্ত্রিত বৈদেশিক ঋণ, বাস্তব বৈদেশিক মুদ্রা বিনিময় হার, অর্থনীতির চাহিদার সঙ্গে সামঞ্জস্যযুক্ত রপ্তানী নীতি এবং দক্ষ শ্রম শক্তি গড়ে তোলার কার্যকর নীতি। দেশের কর কাঠামোকে এই সব ম্যাক্রো নীতির সংগে হতে হবে সংগতিপূর্ণ এবং পরিপূরক। আমরা সেই লক্ষ্যে আগামী বছরের কর প্রস্তাব প্রণয়নের চেষ্টা করেছি। ঐতিহাসিকভাবে লক্ষ্য করা গেছে যে, বিশ্বের বিভিন্ন দেশের অর্থনৈতিক উন্নয়নের সাথে সাথে রাজস্ব আহরণে আমদানি করের গুরুত্ব ক্রমান্বয়ে কমে গিয়ে প্রত্যক্ষ ও ভোগ করের ভূমিকা বৃদ্ধি পায়। স্বয়ংসহায়তা অর্জনের লক্ষ্যে আমরাও ক্রমান্বয়ে আমদানী বাণিজ্য করভিত্তি থেকে ভোগ (consumption) ও প্রত্যক্ষ (direct) করের উপর অধিকতর গুরুত্ব প্রদান করে বিদ্যমান কর ব্যবস্থাকে সহজ, দক্ষ, শক্তিশালী ও কার্যকর করার সম্ভাব্য সকল ব্যবস্থা গ্রহণ করছি।

## মাননীয় স্পীকার,

০৩। বর্তমান গণতান্ত্রিক সরকারের জবাবদীহিতা ও অংশিদারিত্বমূলক (participatory) কর নীতির আলোকে বিগত অর্থবছরগুলোর বাজেটের মত এবারও বাজেট প্রস্তুতি পর্বে আমি সংশ্লিষ্ট সকলের সঙ্গে মত বিনিময় করেছি। মাননীয় সংসদ সদস্যবৃন্দ, দেশের বিভিন্ন শিল্প ও বণিক সমিতি, এনজিও, অর্থনীতিবিদ এবং সাংবাদিকসহ বিভিন্ন গোষ্ঠির সংগে আমি বাজেট প্রস্তাব নিয়ে বিস্তারিত আলোচনা করেছি। তাদের সুপারিশ আমি যথাযথ গুরুত্বের সঙ্গে বিবেচনা করেছি। বিভিন্ন মন্ত্রণালয় থেকে প্রাপ্ত বাজেট প্রস্তাবসমূহও বিবেচনা করা হয়েছে। গত বছরের ন্যায় এবারও এফবিসিসিআই এবং জাতীয় রাজস্ব বোর্ডের প্রতিনিধি সমন্বয়ে গঠিত তিনটি টাস্কফোর্স বেসরকারী খাতের প্রস্তাবসমূহ অত্যন্ত নিবিড়, দীর্ঘ ও অর্থবহ পর্যালোচনা

করেছে। আমি প্রাক বাজেট আলোচনায় অংশগ্রহণকারী সংশ্লিষ্ট সকলকে আন্তরিক কৃতজ্ঞতা ও ধন্যবাদ জানাচ্ছি। গণতান্ত্রিক রাষ্ট্র ব্যবস্থাকে অধিকতর সুদৃঢ় করার লক্ষ্যে বিরোধী দলের মতামত জানার এবং তা বাজেট প্রস্তুতি প্রক্রিয়ায় বিবেচনায় নেয়ার জন্য আমি উদ্যোগ গ্রহণ করেছিলাম। প্রধান বিরোধী দল আমার আমন্ত্রণ সত্ত্বেও এই প্রাক-বাজেট আলোচনায় অংশগ্রহণ না করায় আমি অত্যন্ত দুঃখিত হয়েছি।

মাননীয় স্পীকার,

০৪। বিগত অর্থ বছরের বাজেটে আয়কর, আমদানী শুল্ক ও মূল্য সংযোজন কর বিষয়ে ব্যাপক ব্যবস্থা গ্রহণ করা হয়েছিল। দেশের শিল্প ও বাণিজ্য প্রবাহ একটি চলমান (dynamic) বিষয়। তাই শুধু বাজেট ব্যবস্থা গ্রহণ করেই সরকার নিষ্টিং হয়নি। বাজেট পরবর্তী সময়েও দেশের শিল্প ও বাণিজ্যের গুরুত্বপূর্ণ প্রয়োজনে সরকার জরুরী ভিত্তিতে কর বিষয়ক একাধিক নতুন ও সংশোধনমূলক ব্যবস্থা গ্রহণ করেছে। এই ব্যবস্থাগুলি পরিশিষ্ট “ক” তে দেখানো হয়েছে। এই কর ব্যবস্থাগুলি প্রধানত: কর হ্রাসও অব্যাহতি সম্পর্কিত। দেশে ধান-চালের বাম্পার উৎপাদন হওয়ার কারণে মূল্য হ্রাসের ফলে এদেশের কৃষকগণ তাদের উৎপাদিত পণ্যের ন্যায্য মূল্য থেকে বঞ্চিত হচ্ছিল। তাই দেশের কৃষকদের ন্যায্য প্রতিরক্ষণ প্রদানের স্বার্থে চাল আমদানির উপর ৫ শতাংশ হারে আমদানি শুল্ক আরোপ করা হয়েছে।

মাননীয় স্পীকার,

০৫। ১৯৯৯-২০০০ বাজেটে অনুমোদিত প্রস্তাবের ভিত্তিতে ১৫ই ফেব্রুয়ারী, ২০০০ তারিখ থেকে অধিকাংশ আমদানি পণ্য খালাসের ক্ষেত্রে বাধ্যতামূলক প্রি-শিপমেন্ট ইন্সপেকশন পদ্ধতি (PSI) চালু করা হয়েছে। পণ্য খালাস পদ্ধতি সহজ, হয়রানীমুক্ত ও দ্রুত করার জন্য দেশের শিল্প ও বাণিজ্য সংগঠনসমূহ ও ব্যবসায়ীমহলের দীর্ঘ দিনের দাবীর পরিপ্রেক্ষিতে তাদের সঙ্গে দীর্ঘ আলোচনা ও পরীক্ষা-নিরীক্ষার আলোকে এই পদ্ধতি চালু করা হয়। আশা করা যাচ্ছে যে, PSI পদ্ধতি আমদানিকৃত পণ্যের মূল্য, বিবরণ, শ্রেণী বিন্যাস ও গুণগত মান সম্পর্কে মিথ্যা ঘোষণা বহুলাংশে হ্রাস করে শুল্ক ফাঁকি রোধের মাধ্যমে আমদানি পর্যায়ে রাজস্ব আয় বৃদ্ধিতে বলিষ্ঠ ভূমিকা রাখবে। পিএসআই কোম্পানী কর্তৃক ইস্যুকৃত Clean Report of Findings (CRF) এর ভিত্তিতে ৯৫ শতাংশ আমদানি চালান শুদ্ধায়ন ও দ্রুত খালাসের পদ্ধতি চালু করা হয়েছে। পূর্বে প্রচলিত আমদানিকৃত পণ্যের কায়িক পরীক্ষা পদ্ধতি পরিবর্তন

করে কম্পিউটার দৈবচয়নের মাধ্যমে সর্বোচ্চ ৪% এবং কাস্টমস্ কমিশনার কর্তৃক মাত্র ১% চালান কার্যিক পরীক্ষার বিধান করা হয়েছে। এর ফলে কাস্টম হাউস/শুল্ক বন্দর থেকে পণ্য খালাসের গড়-পড়তা সময় কমে আমদানি পণ্য খালাসে প্রদেয় ডেমারেজ খরচ হ্রাস পাচ্ছে। এই প্রসঙ্গে উল্লেখ করা প্রয়োজন যে নতুন একটি ব্যবস্থা চালু করতে গিয়ে প্রাথমিক অসুবিধা (Teething problems) হওয়া স্বাভাবিক। এগুলি যথাযথ পর্যালোচনা করে দ্রুততম সময়ে সংশোধনমূলক ব্যবস্থা গ্রহণের জন্য আমি জাতীয় রাজস্ব বোর্ডকে নির্দেশ দিয়েছি। বোর্ড ব্যবসায়ী সংগঠনসমূহ, ব্যাংক ও PSI কোম্পানীসহ সংশ্লিষ্ট সকলের সংগে নিয়মিত আলোচনার মাধ্যমে বিভিন্ন পদক্ষেপও গ্রহণ করেছে। উল্লেখ্য প্রাথমিকভাবে ৫০০০ ইউএস ডলার ও তদুর্ধ্ব মূল্যের চালানের ক্ষেত্রে PSI বাধ্যতামূলক করা হয়েছিল। কিন্তু লক্ষ্য করা গেছে যে, শুল্ক ফাঁকি দেয়ার জন্য কোন কোন আমদানিকারক একটি বৃহৎ চালানকে একাধিক চালানে ভেঙে আমদানি করছেন। তাই সরকারী রাজস্ব সংরক্ষণের স্বার্থে সম্প্রতি মূল্যমান নির্বিশেষে অব্যাহতি প্রাপ্ত পণ্য ব্যতিত অন্যান্য সকল চালানের ক্ষেত্রে PSI বাধ্যতামূলক করা হয়েছে। মার্চ পর্যায়ের PSI পদ্ধতি বাস্তবায়ন ও উদ্ভূত সমস্যার আলোকে এই বাজেটেও এতদসংক্রান্ত বিধানাবলী প্রয়োজনীয় সংশোধনের ব্যবস্থা করা হয়েছে। আমার দৃঢ় বিশ্বাস PSI পদ্ধতি এর অভিষ্ঠ লক্ষ্য অর্জন করতে সক্ষম হবে।

মাননীয় স্পীকার,

০৬। আপনি নিশ্চয়ই অবগত আছেন যে, বাংলাদেশ সরকার বিশ্ব বাণিজ্য সংস্থা (WTO) এর মূল্য (Valuation) সংক্রান্ত চুক্তি স্বাক্ষরকারী একটি দেশ। এই আন্তর্জাতিক চুক্তি বাস্তবায়নে বাংলাদেশের অঙ্গীকার পূরণের জন্য ১৫ই ফেব্রুয়ারী, ২০০০ সন থেকে শুল্ক মূল্যায়নের ক্ষেত্রে পূর্বের প্রচলিত ব্রাসেলস্ ভ্যালু পদ্ধতির পরিবর্তে Transaction Value বা বিনিময় মূল্য নীতিমালা চালু করা হয়েছে। কেবলমাত্র কতিপয় পেট্রোলিয়ামজাত পণ্য ব্যতিত প্রায় ২২০০টি পণ্যের ট্যারিফ মূল্য বিলুপ্ত করা হয়েছে। আমদানিপণ্যের ক্ষেত্রে প্রকৃত মূল্যের ভিত্তিতে আমদানি চালান শুদ্ধায়ন ব্যবস্থা বাংলাদেশকে পণ্য শুদ্ধায়নে আধুনিক ধারার সংগে পুরোপুরিভাবে সম্পৃক্ত হতে সহায়তা করবে।

## প্রত্যক্ষ কর

### আয়কর

মাননীয় স্পীকার,

৭। আমি এখন প্রত্যক্ষ করের ক্ষেত্রে আমাদের রাজস্বের প্রধান উৎস আয়কর সংক্রান্ত প্রস্তাবসমূহ উপস্থাপন করছি। আয়কর কেবল রাজস্ব আহরণের একটি উৎসই নয় - অর্থ সামাজিক ন্যায় বিচার বিধানেও এর ভূমিকা অত্যন্ত তাৎপর্যপূর্ণ। এবারে আয়কর ব্যবস্থায় তাই বেশ কিছু পরিবর্তনের প্রস্তাব করা হয়েছে। এ পরিবর্তনের মূল লক্ষ্য হলো সীমিত আয়ের ব্যক্তিদের জন্য কর হার হ্রাস করা, আয়করের ভিত্তি সম্প্রসারণ করা, কর ফাঁকি রোধ করা, শিল্পায়নে বিনিয়োগের বর্তমান সুবিধা সম্প্রসারণ করা, অপ্রদর্শিত আয় ঘোষণা উৎসাহিত করা এবং বিদ্যমান আইনের বিভিন্ন জটিলতা দূর করে সামগ্রিকভাবে আয়কর ব্যবস্থাকে যুগোপযোগী ও বাস্তবভিত্তিক করা।

মাননীয় স্পীকার,

৮। ক) বর্তমানে ব্যক্তিশ্রেণীভুক্ত করদাতাদের জন্য প্রথম ৭৫,০০০/- টাকা পর্যন্ত মোট আয় করমুক্ত। এই সীমা বৃদ্ধির জন্য বিভিন্ন মহলের সুপারিশ এবং জীবন যাত্রার প্রকৃত ব্যয়ের বিষয় বিবেচনা করে করমুক্ত আয়ের সীমা ৭৫,০০০/- টাকা হতে ১,০০,০০০/- টাকায় বৃদ্ধি করার প্রস্তাব করা যাচ্ছে। ব্যক্তিশ্রেণীর করদাতাদের ক্ষেত্রে করমুক্ত আয়ের সীমা বৃদ্ধির পরিপ্রেক্ষিতে পরিশিষ্ট 'খ' অনুসারে কর হার পূর্ণবিনিয়োগের প্রস্তাব করা হলো।

খ) বর্তমানে দশ লক্ষ টাকার উর্দ্ধে সম্পদ থাকলে প্রদেয় আয়করের উপর ১০% হারে সারচার্জ প্রদান করতে হয়। ত্রিশ লক্ষ টাকা পর্যন্ত সারচার্জের এই হার বহাল রেখে তদুর্ধ্ব সম্পদের ক্ষেত্রে ১৫% হারে সারচার্জ ধার্যের প্রস্তাব করছি। সম্পদের ভিত্তিতে সারচার্জের হারকে যৌক্তিকীকরণের জন্য এই প্রস্তাব করা হয়েছে।

গ) অর্থ বৎসরের শেষপ্রান্তে বাজেটে ঘোষিত আয়কর হার একই আয় বৎসরে উদ্ভূত আয়ের উপর প্রয়োগযোগ্য হওয়ায় উক্ত হার অনুযায়ী বর্তমানে অগ্রীম আয়কর পরিশোধ এবং আয়কর পরিকল্পনায় করদাতাগণ জটিলতার সম্মুখীন হন। এ জটিলতা নিরসণের জন্য বাজেট ২০০০-২০০১ এ নির্দিষ্টকৃত আয়কর হার এবং বিনিয়োগ ভাতা দুই অর্থ বৎসরে অর্থাৎ ২০০০-

২০০১ এবং ২০০১-২০০২ কর বছরের জন্য প্রয়োগযোগ্য করার প্রস্তাব করছি। এর ফলে এখন থেকে বাজেটে ঘোষিত আয়কর হার এবং বিনিয়োগভাতা পরবর্তী অর্থ বছরের ক্ষেত্রে প্রযোজ্য হবে যা সকল করদাতাকে পরিকল্পিত উপায়ে বিনিয়োগ ও কর পরিশোধে সাহায্য করবে।

ঘ) বর্তমান আয়কর আইনে ব্যক্তি শ্রেণীর করদাতার প্রতি বছর ১৫ই সেপ্টেম্বরের মধ্যে রিটার্ন দাখিল করতে হয়। অনেকক্ষেত্রে করদাতাদের পক্ষে এই সময়ের মধ্যে প্রয়োজনীয় তথ্য, ব্যাংক প্রত্যয়নপত্রসহ বিবরণী ইত্যাদি সংগ্রহ করা সম্ভব হয় না। প্রতি বছর তাই রিটার্ন দাখিলের সময়সীমা বৃদ্ধির জন্য করদাতাদের পক্ষ থেকে দাবী উত্থাপন করা হয়। এসব বিবেচনা করে রিটার্ন দাখিলের সর্বশেষ তারিখ ১৫ই সেপ্টেম্বরের পরিবর্তে ৩০শে সেপ্টেম্বর করার প্রস্তাব করা হলো। সময়সীমা স্থায়ীভাবে পরিবর্তনের কারণে ভবিষ্যতে নির্ধারিত সময়সীমা বৃদ্ধি না করার নীতি অনুসৃত হবে।

### মাননীয় স্পীকার,

৯। ক) নতুন প্রতিষ্ঠিত শিল্প প্রতিষ্ঠান, পর্যটন শিল্প ও ভৌত অবকাঠামোকে প্রদত্ত কর অবকাশ সংক্রান্ত বিধানের মেয়াদ ৩০শে জুন ২০০০ ইং তারিখে উত্তীর্ণ হবে। শিল্পায়নকে উৎসাহ প্রদানের লক্ষ্যে এই বিধানের মেয়াদ আরও দুই বছর অর্থাৎ ৩০ শে জুন ২০০২ পর্যন্ত বৃদ্ধির প্রস্তাব করা হল। একই ভাবে নতুন প্রতিষ্ঠিত শিল্প প্রতিষ্ঠানকে প্রদেয় ত্বরান্বিত অবচয়ভাতা প্রদান সংক্রান্ত বিধানের মেয়াদও ৩০ শে জুন ২০০২ পর্যন্ত বৃদ্ধির প্রস্তাব করা হল। সম্ভাবনাময় পর্যটন শিল্পের উন্নয়ন ও বিকাশের জন্য সিটি কর্পোরেশন এলাকায় ৬০ টির স্থলে ৩০ কক্ষ বিশিষ্ট এবং অন্যান্য এলাকায় ৩০টির স্থলে ১০ কক্ষ বিশিষ্ট হোটেলকে কর অবকাশ সুবিধা প্রদানের প্রস্তাব করছি।

খ) কাংখিত প্রবৃদ্ধি অর্জন ও কর্মসংস্থানের সুযোগ সৃষ্টির জন্য পুঁজিবাজারের যথাযথ বিকাশ অত্যন্ত গুরুত্বপূর্ণ। এ লক্ষ্যে বেশী লভ্যাংশ ঘোষণা করলে কর রেয়াত প্রদান, লভ্যাংশ আয়ের কর অব্যাহতি সীমা বৃদ্ধি, সেকেন্ডারী মার্কেট হতে ক্রয়কৃত শেয়ারকে বিনিয়োগ সুবিধা প্রদান এবং প্রাথমিক শেয়ারে বিনিয়োগকে অতিরিক্ত সুবিধা প্রদান বিষয়ে বিভিন্ন প্রস্তাব করা হয়েছে যা পরিশিষ্ট “খ” তে দেখানো হলো।

১০। ক) দেশে উল্লেখযোগ্য পরিমাণ অপ্রদর্শিত আয় (undisclosed income) বিদ্যমান আছে বলে ধারণা করা হয়। ইতোপূর্বে অপ্রদর্শিত আয় বিনিয়োগ করার

সুযোগ দেয়া হলেও ঘোষণার ক্ষেত্রে বিভিন্ন শর্ত রাখায় আশাব্যঞ্জক সাড়া পাওয়া যায়নি। বিষয়টি সার্বিক বিবেচনা করে ১লা জুলাই, ২০০০ ইং হতে ৩০শে জুন, ২০০১ সময়বৃত্তে কোন প্রকার শর্ত ব্যতিরেকে ১০ শতাংশ হারে আয়কর প্রদান সাপেক্ষে অপ্রদর্শিত আয় ঘোষণার সুযোগ দেয়ার প্রস্তাব করা হলো। কর বিভাগ কোন প্রশ্ন ব্যতিরেকে এরূপ ঘোষণা গ্রহণ করবে।

খ) কর ফাঁকির তথ্য প্রদান ও বকেয়া কর আদায়ে বিশেষ অবদানের জন্য নগদ পুরস্কার প্রদানের প্রস্তাব করছি। এর ফলে কর ফাঁকি হ্রাস পাবে বলে আশা করা যায়।

গ) উচ্চ কর প্রদানকারী করদাতাদের রাষ্ট্রীয় পর্যায়ে স্বীকৃতি, সম্মান ও বিভিন্ন সুবিধা প্রদান করা হলে করদাতারা কর প্রদানে উৎসাহিত হবেন বলে আমরা মনে করি। এজন্য জাতীয় রাজস্ব বোর্ড নীতিমালা প্রনয়ন করেছে। প্রতি বৎসর এরূপ সর্বোচ্চ কর প্রদানকারীদের তালিকা প্রণয়ন করে জাতীয় রাজস্ব বোর্ড তাদের ভি আই পি কার্ড প্রদান করবে। এসব কর প্রদানকারী ভি আই পি দেয় রাষ্ট্রীয় অনুষ্ঠানে আমন্ত্রণসহ অন্যান্য স্বীকৃতি ও সম্মান প্রদানের প্রস্তাব করছি।

মাননীয় স্পীকার,

১১। ক) কেবলমাত্র কর হার হ্রাস করলেই জনসাধারণ স্বতঃ প্রনোদিত হয়ে আয় ঘোষণা বা কর প্রদান করতে এগিয়ে আসবেন না। এজন্য কর নির্ধারণ প্রক্রিয়া সহজ করা প্রয়োজন। বর্তমানে স্ব-নির্ধারণী পদ্ধতিতে করদাতারা আয়কর রিটার্ন দাখিল করতে পারলেও এরূপ পদ্ধতিতে বেশ কিছু শর্ত জড়িত আছে।

বর্তমান স্ব-নির্ধারণী পদ্ধতিতে ব্যক্তিশ্রেণীর করদাতা কোন কোম্পানীর পরিচালক এবং পরিশোধিত মূলধনের দশ শতাংশের মালিক হলে স্ব-নির্ধারণী রিটার্ন দাখিল করতে পারেন না। ব্যবসা বা পেশা আয়ের ক্ষেত্রে প্রারম্ভিক পুঁজি দশ লক্ষ টাকার বেশী থাকলে প্রথম বৎসর এ পদ্ধতি গ্রহণ করা যায় না। সর্বশেষ নিরূপিত আয় অপেক্ষা কম আয় এবং লোকসান বা রিফান্ডের ক্ষেত্রেও এ পদ্ধতি প্রযোজ্য হয় না। এই পদ্ধতি বর্তমান বলবৎ শর্তসমূহ বিলোপের প্রস্তাব করছি। স্ব-নির্ধারণী পদ্ধতিকে সম্প্রসারণ করার লক্ষ্যে ব্যবসা আয়ের ক্ষেত্রে প্রারম্ভিক পুঁজির সীমা দশ লক্ষ টাকা থেকে বিশ লক্ষ টাকায় বৃদ্ধির প্রস্তাবও করা হল।

খ) বিদ্যমান আইনে প্রথম আপীল দায়েরের পূর্বশর্ত হিসাবে করদাতা কর্তৃক কর পরিশোধের বিধান বাতিলের প্রস্তাব করা যাচ্ছে। একই সংগে প্রথম আপীল আদেশের বিরুদ্ধে ট্রাইবুনালে মামলা দায়েরের পূর্বশর্ত হিসেবে আপীল আদেশ অনুযায়ী প্রদেয় কর এবং স্বীকৃত



আয়ের উপর করের পার্থক্যের ২০ শতাংশ কর প্রদানের বিধান পরিবর্তন করে তা দশ শতাংশে হ্রাস করার প্রস্তাব করা হলো।

১২। ক) কার্যকর কর আদায়ের লক্ষ্যে কর ভিত্তি সম্প্রসারণ করা প্রয়োজন। এজন্য কতিপয় ক্ষেত্রে বাধ্যতামূলকভাবে টি আই এন সার্টিফিকেট দাখিলের যে বিধান আছে তা তিনটি ক্ষেত্রে সম্প্রসারণের প্রস্তাব করছি :

- (১) জেনারেল ইন্সুরেন্স সার্ভেয়ারদের লাইসেন্স/ এনলিস্টমেন্ট প্রদান বা নবায়ন;
- (২) সিটি কর্পোরেশন এলাকায় জমি, দালান বা এপার্টমেন্ট ক্রয়;
- (৩) ভাড়া ব্যবহৃত হয়না এরূপ জীপ, কার বা মাইক্রোবাসের রেজিস্ট্রেশন গ্রহন বা ফিটনেস নবায়ন।

খ) যানবাহন ক্রয়, সিটি কর্পোরেশন এলাকায় সম্পত্তি ক্রয় ইত্যাদি ক্ষেত্রে উল্লেখযোগ্য বিনিয়োগ জড়িত থাকে। এসব বিনিয়োগ করদাতার আয় নিরূপনের গুরুত্বপূর্ণ উপাদান হিসেবে কাজ করতে পারে। তাই এ জাতীয় ক্ষেত্রে গাড়ীর ব্লু-বুকে কিংবা জমির রেজিস্ট্রীকৃত বা নোটারাইজড দলিলপত্রে বাধ্যতামূলকভাবে TIN উল্লেখ করার বিধান প্রণয়নের প্রস্তাব করা হলো।

গ) বর্তমানে ব্যবসা বা পেশাজীবী করদাতাদের প্রতি বছর ৩১শে ডিসেম্বরের মধ্যে TIN সার্টিফিকেট সংগ্রহ ও তা ব্যবসা স্থানে টাঙ্গিয়ে রাখার বিধান আছে। এই TIN সার্টিফিকেট প্রত্যেক বছর সংগ্রহ করতে হয়। TIN সার্টিফিকেট একটি স্থায়ী নম্বর বিধায় করদাতাদের অযথা হয়রানি কমানোর জন্য প্রতি বৎসরের স্থলে ব্যবসা শুরুর ছয় মাসের মধ্যে TIN সার্টিফিকেট সংগ্রহ করে তা স্থায়ীভাবে ব্যবসা প্রতিষ্ঠানে টাঙ্গিয়ে রাখার বিধান করার প্রস্তাব করা হলো।

১৩। ক) উৎসে কর আদায়ের পরিধি সম্প্রসারণ এবং কর নির্ধারণ প্রক্রিয়া সহজীকরণের লক্ষ্যে উৎসে কর্তৃত করকে চূড়ান্ত করদায় হিসেবে গণ্য করার জন্য কতিপয় প্রস্তাব করছি। উৎসে কর কর্তনের পরিধি সম্প্রসারণের পাশাপাশি কতিপয় ক্ষেত্রে উৎসে কর কর্তনের বিধান প্রত্যাহার এবং পুনর্বিব্যাখ্যা করাও প্রয়োজন। এ সকল প্রস্তাবের বিস্তারিত বিবরণ পরিশিষ্ট 'খ' তে দেখা যেতে পারে।

খ) ব্যক্তিগত করদাতাদের কর মুক্ত আয়ের সীমা বৃদ্ধির প্রেক্ষিতে ঠিকাদার ও সরবরাহকারীকে বিল প্রদান এবং বাড়ীভাড়া প্রদানের ক্ষেত্রে উৎসে কর কর্তন এবং সংগ্রহ এর হার পরিশিষ্ট ‘খ’ অনুসারে পূর্বন্যাস করার প্রস্তাব করছি।

গ) বর্তমানের মুক্তবাজার অর্থনীতিতে বেসরকারী সংস্থার গুরুত্বের কারণে প্রাইভেট লিমিটেড কোম্পানীসমূহকে ঠিকাদার ও সরবরাহকারীদের নিকট হতে উৎসে কর কর্তন কর্তৃপক্ষ হিসেবে দায়িত্ব প্রদানের প্রস্তাব করছি।

মাননীয় স্পীকার,

১৪। ক) বাস, মিনিবাস, ট্রাক, ট্যাংকলরি, কোস্টার ইত্যাদির উদ্ভূত আয়ের ক্ষেত্রে অনুমিত আয়কর প্রদানের বিধান আছে। পরিবহন খাতের প্রবৃদ্ধি বিবেচনা করে এই হার পরিশিষ্ট ‘খ’ অনুসারে কিছুটা পুনর্বিন্যাসের প্রস্তাব করা হল। তবে দশ বৎসরের বেশী পুরাতন যানবাহনের ক্ষেত্রে বর্তমান হার অপরিবর্তিত থাকবে।

খ) নির্দিষ্ট হারে কর পরিশোধ করলে বাড়ী নির্মান বা এ্যাপার্টমেন্ট ক্রয়ের ক্ষেত্রে কোন প্রশ্ন ব্যতিরেকে বিনিয়োগ গ্রহণ করার বিধান আছে। ছোট আয়তনের বাড়ী নির্মান/এ্যাপার্টমেন্ট ক্রয়ের ক্ষেত্রে এ করের হার হ্রাস করার ও বৃহদাকার দালান বা এ্যাপার্টমেন্টের ক্ষেত্রে এ করের হার পরিশিষ্ট “খ” অনুসারে সংশোধন করার প্রস্তাব করছি।

গ) বিনামূল্যে নমুনা প্রদানে জন্য ব্যবসায়িক খরচ অনুমোদনের একটি সর্বোচ্চ সীমা আয়কর বিধিতে রয়েছে। ঔষধ কোম্পানীসমূহ হতে এ রেয়াত বাড়ানোর জন্য অনুরোধ এসেছে। শুধুমাত্র ঔষধ শিল্পের পণ্য বাজারজাতকরণের সুবিধার্থে বর্তমানে নির্ধারিত সীমা পরিশিষ্ট ‘খ’ অনুসারে বৃদ্ধির প্রস্তাব করছি। আমি আশা করছি যে, এদেশের ঔষধ উৎপাদনকারী প্রতিষ্ঠানসমূহ এতে বিদেশে ঔষধ রপ্তানিরও উদ্যোগ গ্রহণ করতে সক্ষম হবে।

ঘ) দাতব্য প্রতিষ্ঠান, ট্রাস্ট ইত্যাদির ব্যবসা হতে উদ্ভূত আয়কে ১লা জুলাই, ১৯৯৯ইং থেকে করযোগ্য করা হয়েছে। দেশে দারিদ্র দূরীকরণ ও কর্মসংস্থানে micro credit নিঃসন্দেহে অতীব গুরুত্বপূর্ণ অবদান রাখছে। এ প্রয়াস যাতে ব্যাহত না হয়, সেজন্য micro credit থেকে উদ্ভূত আয়কে কর অব্যাহতি প্রদানের প্রস্তাব করছি।

ঙ) সেবা ধর্মী কাজে পৃষ্ঠপোষকতাকে উৎসাহিত করার লক্ষ্যে প্রতিবন্ধী কল্যাণ কেন্দ্র এবং নগর এলাকার বাইরে অবস্থিত দাতব্য হাসপাতালে প্রদত্ত দানকে কর রেয়াত প্রদানের প্রস্তাব করছি।

মাননীয় স্পীকার,

১৫। বর্তমান অর্থবছরে আয়কর আইন ও বিধিতে বিভিন্ন সংশোধনের মূল উদ্দেশ্য হলো আয়কর আইনকে যুগোপযোগী ও বাস্তবসম্মত করার মাধ্যমে কর প্রশাসন ও করদাতাদের মধ্যে পারস্পরিক আস্থা বৃদ্ধি, বিনিয়োগের জন্য অনুকূল পরিবেশ সৃষ্টি ও অভ্যন্তরীণ সম্পদ সংগ্রহের গতি ত্বরান্বিত করা। আমি আশা করছি যে, নতুন পরিবেশে করদাতাগণ ন্যায্য কর প্রদানে এগিয়ে আসবেন এবং এর মাধ্যমে অভ্যন্তরীণ সম্পদ সংগ্রহের ক্ষেত্রে আয়করের ভূমিকা আরো সুসংহত হবে।

### পরোক্ষ কর

#### আমদানি শুল্ক:

মাননীয় স্পীকার,

১৬। আমি এখন ২০০০-২০০১ অর্থ বছরের আমদানি শুল্কহার সম্পর্কিত প্রস্তাবের উল্লেখযোগ্য দিকসমূহ তুলে ধরছি। বিগত চার বাজেটে আমি আঞ্চলিক দেশসমূহ ও বিশ্ব বাণিজ্যের ধারার সংগে সংগতি রেখে আমাদের আমদানি শুল্কহার পরিকল্পিতভাবে পুনর্বিন্যাসের প্রচেষ্টা নিয়েছি। এই প্রচেষ্টার ফলশ্রুতি হিসেবে আমাদের শুল্ক কাঠামো অনেক সরল ও যৌক্তিক হয়ে এসেছে। বর্তমানে বাংলাদেশে ৫, ১৫, ২৫ ও ৩৭.৫ শতাংশ শুল্কহারের মাত্র ৪টি ধাপ বিদ্যমান রয়েছে। রপ্তানী বৃদ্ধি, স্থানীয় শিল্পের বিকাশ, শুল্কায়ন সহজতর করা, শুল্কহারের সামঞ্জস্য বিধান করা, কৃষি ও কৃষিভিত্তিক শিল্পের বিকাশে সহায়তা করা, চোরাচালান নিরুৎসাহিত ও নিরোধ করা এবং ভোক্তা জনসাধারণের কাছে ভোগ্যপণ্য সুলভ ও সহজলভ্য করার বিষয়ে বর্তমান সরকারের মৌলিক নীতি বর্তমান বাজেটেও অব্যাহত থাকবে। শিল্প উন্নয়নে সহায়তা এবং দেশীয় শিল্পের ন্যায্য প্রতিরক্ষণের স্বার্থে সাধারণভাবে মৌলিক কাঁচামালের শুল্কহার ৫

শতাংশ, মধ্যবর্তী কাঁচামাল ও Semi-finished পণ্যের শুদ্ধহার যথাক্রমে ১৫ ও ২৫ শতাংশ এবং সম্পূর্ণ প্রস্তুত পণ্যের ক্ষেত্রে ৩৭.৫ শতাংশ শুদ্ধহার প্রয়োগের নীতির ধারাবাহিকতা বর্তমান বাজেটেও অক্ষুন্ন রাখা হয়েছে। তাই বর্তমান বাজেটে বিগত বছরের মত শিল্পের কাঁচামাল ও মধ্যবর্তী পণ্যের উপর ব্যাপকভাবে শুদ্ধ হ্রাসের প্রস্তাব করা হয়েছে। দেশীয় শিল্পের ন্যায্য সংরক্ষণের স্বার্থে মাত্র স্বল্প সংখ্যক প্রস্তুত পণ্যের ক্ষেত্রে শুদ্ধহার বৃদ্ধির প্রস্তাব করা হয়েছে। এতদসংক্রান্ত বিস্তারিত বিবরণ ও সম্ভাব্য রাজস্ব ক্ষতি বা বৃদ্ধির সার-সংক্ষেপ পরিশিষ্ট - “গ” হিসেবে দেখানো হয়েছে।

### মাননীয় স্পীকার,

১৭। শিল্প বাংলাদেশে বৈদেশিক মুদ্রা অর্জন এবং কর্মসংস্থানে অতীব গুরুত্বপূর্ণ ভূমিকা পালন করে। এই খাতের ভবিষ্যত সুদৃঢ় করতে হলে বস্ত্র শিল্পসহ সকল পশ্চাদ-সংযোগ (backward-linkage) শিল্পের উন্নয়ন ও বিকাশ একান্ত অপরিহার্য। রপ্তানিমুখী শিল্পের গুরুত্বের কথা বিবেচনা করে বিগত অর্থ বছরের বাজেটের অনুসরণে এই বাজেটেও বস্ত্র, পাদুকা, চামড়া ও অনুরূপ অন্যান্য শিল্পে ব্যবহার্য বিভিন্ন দ্রব্যাদির উপর শুদ্ধহার হ্রাস করার প্রস্তাব করছি। বর্তমানে দেশে গ্রেড ওয়েস্ট, ইয়ার্ন ওয়েস্ট ও কটন ফেব্রিকস ওয়েস্ট থেকে পুনঃপ্রক্রিয়াকরণের মাধ্যমে তুলায় রূপান্তরিত করে স্বল্প খরচে সূতা তৈরীর শিল্প গড়ে উঠেছে। তাই এই সকল কাঁচামালের উপর শুদ্ধহার হ্রাসের প্রস্তাব করা হচ্ছে।

১৮। সিরামিক ও মেলামাইন এই দুইটি শিল্প দেশের রপ্তানি খাতে ক্রমান্বয়ে গুরুত্বপূর্ণ অবদান রাখতে শুরু করেছে। এই শিল্পকে অব্যাহত সহায়তা প্রদানের জন্য এ বছরও এই শিল্পের কাঁচামাল জিংক অক্সাইড, এলুমিনিয়াম হাইড্রক্সাইড, বেরিয়াম কার্বনেট এবং ট্রান্সফার ডিকালকোমেনিয়া পেপারের উপর বিদ্যমান আমদানি শুদ্ধহার হ্রাস করার প্রস্তাব করছি।

১৯। দেশে উৎপাদিত দুগ্ধ ও দুগ্ধজাত পণ্য জনসাধারণের চাহিদার একটি অতি ক্ষুদ্র অংশ পূরণ করতে পারে মাত্র। অথচ দুধ শিশুসহ সকল শ্রেণীর মানুষের একটি মৌলিক খাদ্য। দেশের গবাদিপশুর চারণ ভূমির স্বল্পতার কারণে অদূর ভবিষ্যতে স্থানীয় ডেইরী শিল্প দেশে দুধের সম্পূর্ণ চাহিদা পূরণে সক্ষম হবে বলে প্রতীয়মান হয় না। তাই দেশে দুধের সরবরাহ বৃদ্ধির পাশাপাশি দুগ্ধজাত শিল্পের মূল্য সংযোজন উৎসাহিত করার লক্ষ্যে বাল্কে আমদানিকৃত গুড়ো দুধের শুদ্ধহার ৩৭.৫ শতাংশ থেকে ২৫ শতাংশে হ্রাস করার প্রস্তাব করছি।

মাননীয় স্পীকার,

২০। কৃষি প্রধান বাংলাদেশের কৃষকদের আয় বৃদ্ধি এবং রপ্তানি পণ্যের বহুমুখীকরণ (diversification) এর লক্ষ্যে সরকার কৃষি নির্ভর শিল্প খাতে (agro-processing) যন্ত্রপাতি, যন্ত্রাংশ, কাঁচামাল এবং মোড়ক সামগ্রীর উপর শুল্কহার হ্রাসসহ সকল প্রকার সহায়ক সুবিধাদি প্রদান করে আসছে। এই নীতির সম্প্রসারণ হিসেবে বর্তমান বছরে কৃষিখাত নির্ভর শিল্পের ব্যবহার্য ক্লোরিন, ফ্লোরিন, ব্রোমিন, আয়োডিন, সজী চাষের মাচা, নার্সারী ট্রে, ট্রেট্রাপেক, ফিলটার পেপার, UV net, storage equipment made of PVC with zipper, বর্জ্য দস্তা, টিন ও দস্তার গুড়া, পাউডার, চূর্ণ ও ফ্লেক এবং ক্রীম সেপারেটর এর শুল্কহার ৫ শতাংশ থেকে শূণ্যতে হ্রাস করার প্রস্তাব করছি। রপ্তানিমুখী চা শিল্পকে সহায়তা প্রদানের জন্য চা উৎপাদন ও প্রক্রিয়াজাতকরণের বিভিন্ন স্তরের ড্রাইং এর কাজে ব্যবহৃত industrial fan and blower এর শুল্কহার সর্বোচ্চ ৩৭.৫ শতাংশ থেকে হ্রাস করে ৫ শতাংশ নির্ধারণের প্রস্তাব করছি।

২১। এটি অত্যন্ত আনন্দের বিষয় যে, ক্ষুদ্র পরিসরে হলেও দেশে ওয়াটার বেইসড পলিমার রেজিন উৎপাদনকারী শিল্প প্রতিষ্ঠান গড়ে উঠছে। এই শিল্পকে সহায়তা প্রদানের লক্ষ্যে এই শিল্পের কতিপয় কাঁচামালের শুল্কহার হ্রাস করার প্রস্তাব করছি। এ ব্যাপারে বিস্তারিত তথ্য পরিশিষ্ট “গ” এ দেখানো হয়েছে।

মাননীয় স্পীকার,

২২। দেশের সম্ভাবনাময় বৈদ্যুতিক সরঞ্জাম উৎপাদনকারী শিল্পকে সকল প্রকার সহায়তা প্রদানের লক্ষ্যে এই শিল্পে ব্যবহৃত বিভিন্ন কাঁচামালের উপর বর্তমানে প্রযোজ্য বিভিন্ন ধাপের শুল্কহার সমন্বিত ও হ্রাস করার প্রস্তাব করা হচ্ছে। এ ব্যাপারে বিস্তারিত তথ্য পরিশিষ্ট “গ” এ দেখানো হয়েছে। ফসফেট ও পলিফসফেট দেশীয় একাধিক শিল্পের প্রয়োজনীয় কাঁচামাল এই বিবেচনায় একই নীতি অনুসরণে এদের উপর প্রযোজ্য শুল্কহার ১৫ শতাংশ থেকে হ্রাস করে ৫ শতাংশ করার প্রস্তাব করছি।

## মাননীয় স্পীকার,

২৩। স্ট্রু নগরায়নের (urbanization) অন্যতম প্রধান উপকরণ হলো একটি সহজলভ্য গণপরিবহণ ব্যবস্থা। বাংলাদেশের ক্রমবর্ধমান নগরায়নের প্রেক্ষাপটে ইতোপূর্বে ডবল ডেকার বাসের আমদানি শুদ্ধ সম্পূর্ণরূপে প্রত্যাহার এবং ৪০সিট বা তদুর্ধ্ব আসনের বাসের শুদ্ধহার ব্যাপকভাবে হ্রাস করা হয়েছিল। গণপরিবহন ব্যবস্থা গড়ে তোলার ক্ষেত্রে সরকার সেই সকল যানবাহনের ব্যবহার উৎসাহিত করতে চায় যা বহুসংখ্যক যাত্রী পরিবহনে সক্ষম, পরিবেশ সখ্য এবং যানজট লাঘবে সহায়ক। এই প্রেক্ষাপটে গণপরিবহন সুবিধার সম্প্রসারণ কল্পে শুধু CNG চালিত ডবল ডেকার বাসের আমদানিতে মূল্য সংযোজন করসহ যাবতীয় শুদ্ধকর প্রত্যাহার এবং শুধু CNG চালিত ৪০ বা তদুর্ধ্ব সিটের সাধারণ বাসের ক্ষেত্রে কেবলমাত্র ৫ শতাংশ আমদানি শুদ্ধ ব্যতিত অপরাপর সকল শুদ্ধকর প্রত্যাহারের প্রস্তাব করা যাচ্ছে। এই পদক্ষেপ গণপরিবহন ব্যবস্থার সন্তোষজনক উন্নয়নের সাথে সাথে দেশীয় গ্যাস ব্যবহারের মাধ্যমে জ্বালানী তেল আমদানিতে বৈদেশিক মুদ্রারও শাস্রয় ঘটাবে বলে আমি মনে করি। রপ্তানী ও অন্যান্য শিল্পের মালামাল পরিবহণে পিক-আপের ব্যাপক ব্যবহার হয়। তাই সম্পূর্ণ বিযুক্ত পিক-আপের শুদ্ধহার ১৫ শতাংশ থেকে হ্রাস করে ৫ শতাংশ করা হলো।

## মাননীয় স্পীকার,

২৪। পরিবেশ সংরক্ষণে সরকার একান্ত সচেষ্টি। পরিবেশ দূষণের জন্য দায়ী পণ্য প্রস্তুতে ব্যবহৃত ইথাইল ভিনাইল এসিটেট (EVA) এর উপর বিগত বাজেটে সর্বোচ্চ ৩৭.৫ শতাংশ শুদ্ধহার আরোপ করা হয়েছে। একই ধারাবাহিকতায় এবার HDPE (ফিল্ম থ্রেড) এর উপর আমদানি শুদ্ধ ১৫% থেকে বৃদ্ধি করে সর্বোচ্চ ৩৭.৫ শতাংশ নির্ধারণের প্রস্তাব করছি। এছাড়াও পরিবেশ দূষনকারী দুই শ্লোক ইঞ্জিন বিশিষ্ট থ্রি-হুইলার যানবাহন (টেম্পু, অটোরিক্সা ইত্যাদি) ও ইঞ্জিনসহ চেসিস এর আমদানি নিষিদ্ধ করার প্রস্তাব করছি। পরিবেশ ও বাণিজ্য মন্ত্রণালয়ের সুপারিশ এবং সুশীল সমাজের প্রবল দাবী বিবেচনা করে ঢাকা এবং অন্যান্য শহরকে মারাত্মক পরিবেশ দূষন থেকে রক্ষা করার লক্ষ্যে এই সিদ্ধান্ত গৃহীত হয়েছে। তবে বর্তমানে দেশে ব্যবহৃত দুই-শ্লোক বিশিষ্ট থ্রি-হুইলার যানবাহনের চালকরা এই বিধানের ফলে ক্ষতিগ্রস্ত হবেন না। বরং পরিবেশ দূষণ রোধ করার লক্ষ্যে বৈধভাবে আমদানিকৃত ও রেজিস্ট্রিকৃত ডিজেল ও পেট্রোল চালিত থ্রি-হুইলারকে CNG যানে রূপান্তরিত করার প্রক্রিয়াকে উৎসাহিত করার জন্য বাণিজ্যিক ব্যাংক থেকে উক্ত রূপান্তরের ব্যয় নির্বাহের নিমিত্তে সহজ শর্তে ঋণ প্রদানের ব্যবস্থা করা হবে।

## মাননীয় স্পীকার,

২৫। শিল্পের কাঁচামালের উপর শুল্ক হ্রাস করার মাধ্যমে শিল্প উন্নয়নে সহায়তা করা যেমন প্রয়োজন, তেমনি প্রয়োজন দেশের পণ্য উৎপাদনকারী শিল্পসমূহকে আমদানিকৃত পণ্যের অন্যায় প্রতিযোগিতা থেকে রক্ষা করা এবং আমদানি বিকল্প শিল্প গড়ে উঠতে সহায়তা করা। এই লক্ষ্যে টেলকম পাউডার, অ্যালুমিনিয়াম বেইস কেপ এবং এডহেসিভ ড্রেসিং এর উপর শুল্কহার বৃদ্ধি করার প্রস্তাব করছি। এ ছাড়াও একই শ্রেণীবিন্যাস কোডের একই হেডিংভুক্ত পণ্যের শুল্কহারের সমতা বিধানের লক্ষ্যে মশার কয়েলের কাঁচামাল এসবায়োথ্রিন (বাক্সে) ও নোট গণনার মেশিন এর শুল্কহার বৃদ্ধি এবং কপার ওয়্যার ও রড, অ্যালুমিনিয়াম ওয়্যার ও রড এর শুল্কহার হ্রাসের প্রস্তাব করছি। এই বিষয়ে বিস্তারিত বিবরণ পরিশিষ্ট “গ” এ দেয়া হয়েছে।

২৬। দেশে ক্রোমিয়াম সালফেটের উৎপাদন উৎসাহিত করার লক্ষ্যে এর কাঁচামাল সোডিয়াম ডাই ক্রোমেট এর শুল্কহার হ্রাস করার প্রস্তাব করছি। বিভিন্ন শ্রেণীর পলিথিন কম্পাউন্ড এর শুল্কহারের সমতা বিধানের মাধ্যমে মিথ্যা ঘোষণা বন্ধ করা এবং শুল্কহার হ্রাস করে বন্ডের মাধ্যমে আমদানিকৃত এই সকল পণ্যের অপব্যবহার রোধ কল্পে LDPE, LLDPE এবং film grade ব্যতিত অন্য HDPE এর উপর বিভিন্ন শুল্কহার একীভূত করার প্রস্তাব করছি। সম্পূর্ণ প্রস্তুত পণ্য ও মধ্যবর্তী পণ্যের মধ্যে শুল্কহারের পার্থক্য নিশ্চিত করার লক্ষ্যে লেমিনেটেড টিউবের কাঁচামাল মাল্টি লেয়ার এক্সট্রুডেট (extruded) প্লাস্টিকের উপর প্রযোজ্য আমদানি শুল্ক হ্রাস করার প্রস্তাব করছি। নবজাত ও সংকটাপন্ন শিশুর জীবন রক্ষার জন্য বেবী ইনকিউবেটরের উপর প্রযোজ্য ৫ শতাংশ শুল্কহার সম্পূর্ণ প্রত্যাহারের প্রস্তাব করছি।

২৭। দেশে বেসরকারী মালিকানায শহরে-বন্দরে বুথের মাধ্যমে টেলিযোগাযোগ ব্যবসা ক্রমান্বয়ে বাড়ছে। কিন্তু কম্পিউটারায়িত বিল প্রদানের ব্যবস্থা না থাকায় অনেক ক্ষেত্রে গ্রাহকগণ হয়রানির শিকার হচ্ছেন। এই অসুবিধা দূরীকরণের লক্ষ্যে প্রাইভেট টেলিফোন কল অপারেশনে ব্যবহার্য স্পট বিলিং মেশিনের উপর শুল্কহার হ্রাস করার প্রস্তাব করা যাচ্ছে। শুল্ক হ্রাসের ফলে এই মেশিনের ব্যবহার বৃদ্ধি পাবে এবং ভোক্তারা এতে উপকৃত হবেন বলে আশা করা যায়।

২৮। দেশে আমদানিকৃত ক্রুড মার্বেল ও মার্বেল ব্লক প্রক্রিয়াজাতকরণের মাধ্যমে পলিশড মার্বেল স্ল্যাব তৈরীর শিল্প গড়ে উঠেছে। প্রযুক্তিগত পরিবর্তনের সংগে তাল মিলিয়ে শুল্ক

বিবরণের প্রয়োজনীয় পরিবর্তন না হওয়ায় বৃহৎ আকৃতির মার্বেল ব্লক আমদানিতে যে শুদ্ধ বৈষম্যের সৃষ্টি হয়েছে তা দূরীকরণের লক্ষ্যে ব্রুড মার্বেল ও বৃহৎ মার্বেল ব্লকের (৪০০০ কেজি/৪মেট্রিক টন অধিক ওজনের) উপর প্রযোজ্য শুদ্ধহার পুনঃবিন্যাস করে একীভূত করার প্রস্তাব করছি।

মাননীয় স্পীকার,

২৯। বর্তমান সরকার কম্পিউটার শিল্পের উন্নয়নে সকল প্রকার সহায়তা প্রদান করে আসছে। ইতিপূর্বে কম্পিউটার ও তার যন্ত্রাংশ ও এক্সেসরিজের উপর সকল প্রকার শুদ্ধ ও কর প্রত্যাহার করা হয়েছে। একই ধারাবাহিকতায় কম্পিউটার প্রিন্টারে ব্যবহৃত Inkjet refill kit এর উপর প্রযোজ্য শুদ্ধকর সম্পূর্ণ প্রত্যাহারের প্রস্তাব করছি।

৩০। বর্তমান সরকার দেশের ক্রীড়া ও খেলাধুলার উন্নয়নে একান্ত আগ্রহী। অধিকাংশ ক্রীড়া যন্ত্রপাতি ও সরঞ্জামের উপর ১৫ শতাংশ শুদ্ধহার প্রযোজ্য। আরও কিছু ক্রীড়া সরঞ্জাম, এক্সেসরিজ এবং ক্রীড়া-পোষাকের শুদ্ধহার হ্রাস করে ১৫ শতাংশ করার প্রস্তাব করছি।

৩১। সাম্প্রতিককালে বাংলাদেশের মুদ্রন ও প্রকাশনা শিল্পের উল্লেখযোগ্য উন্নতি হয়েছে। তাই বিদেশ থেকে আমদানি নিরুৎসাহিত করার লক্ষ্যে বাণিজ্যিক বিপণন পণ্য, ক্যাটালগ ও ক্যালেন্ডার ইত্যাদির শুদ্ধহার “শূন্য” থেকে বৃদ্ধি করে ৫ শতাংশ নির্ধারণের, পুস্তক আমদানির ট্যারিফ বর্ণনায় একটি সংশোধনী আনয়নের এবং ফটোগ্রাফিক প্লেইট ও অফসেট রি-প্রোডাকশন ফিল্ম এর শুদ্ধহার ৩৭.৫ শতাংশ থেকে হ্রাস করে ১৫ শতাংশ নির্ধারণ করার প্রস্তাব করা হচ্ছে। শিক্ষা ও প্রশিক্ষন ব্যবস্থার আধুনিকায়নে অপরিহার্য স্লাইডের শুদ্ধহার হ্রাস করে ৫ শতাংশে ধার্য করার প্রস্তাব করছি।

৩২। পরিশিষ্ট “গ” এ প্রদত্ত বিবরণ অনুযায়ী স্থানীয় কার্বন রড শিল্পের ব্যবহার্য বিভিন্ন কাঁচামালের উপর বর্তমানে প্রযোজ্য শুদ্ধহার হ্রাস করার প্রস্তাব করছি। রাবার টায়ারের স্থায়িত্ব বৃদ্ধিতে সহায়ক এন্টিনক ও এন্টি অক্সিডেন্ট কেমিক্যাল এর উপর প্রযোজ্য ২৫ শতাংশ শুদ্ধহারকে কমিয়ে ১৫ শতাংশে নির্ধারণের প্রস্তাব করছি। দেশে উন্নতমানের জরী সূতা প্রস্তুত হচ্ছে যা বিদেশী জরী সূতার সমকক্ষ এবং দেশের চাহিদা মিঠাতে সক্ষম। তাই দেশীয় তাঁত



শিল্পকে ন্যায্য প্রতিরক্ষণ প্রদানের স্বার্থে জরী সূতার উপর প্রযোজ্য “শূণ্য” শুল্কহার বৃদ্ধি করে ১৫ শতাংশে নির্ধারণের প্রস্তাব করছি। ঔষধ শিল্পের প্যাকেজিং সামগ্রী মেডিসিন স্ট্রীপ ও ব্লিষ্টার ফয়েল দেশে উৎপাদিত হচ্ছে। এই সকল দেশীয় পণ্যের ব্যবহার উৎসাহিত করা ও স্থানীয় শিল্পের বিকাশের স্বার্থে এই সকল পণ্যের ক্ষেত্রে ফার্মাসিউটিক্যাল এস,আর,ও এর শুল্ক রেয়াত সুবিধা প্রত্যাহারপূর্বক পণ্য গুলির উপর ২৫ শতাংশ হারে শুল্ক আরোপের প্রস্তাব করছি। দেশে সিনেমা শিল্পে ব্যবহৃত আর্ক কার্বন এর বৈধ আমদানি অতি সামান্য। এই পণ্যটির বৈধ আমদানি উৎসাহিত করার লক্ষ্যে এর শুল্কহার হ্রাস করে ১৫ শতাংশ ধার্য করার প্রস্তাব করছি।

### মাননীয় স্পীকার,

৩৩। বর্তমানে ব্যাগেজ রুলের অধীনে বাংলাদেশে আগত একজন বাংলাদেশী যাত্রী তোলা (১১.৬৬৪ গ্রাম) প্রতি ৩০০.০০ (তিনশত) টাকা শুল্ক প্রদান করে মাথা পিছু ৫ (পাঁচ) কেজি সোনা আমদানি করতে পারেন। বিদেশে বাংলাদেশী স্বর্ণালংকার রপ্তানির যথেষ্ট সম্ভাবনা রয়েছে। এই সম্ভাবনাকে উৎসাহিত করার জন্য দেশের স্বর্ণালংকার শিল্পের কাঁচামালের সরবরাহ সহজ করা এবং বৈধ রুটে সোনা আমদানি উৎসাহিত করে চোরাচালান নিরুৎসাহিত করার লক্ষ্যে প্রতি তোলা সোনার শুল্কের পরিমাণ ২০০.০০ (দুইশত) টাকায় হ্রাস করা এবং যাত্রী প্রতি সোনার প্রাপ্যতা ৫ (পাঁচ) কেজি থেকে ১০ (দশ) কেজিতে উন্নীত করার প্রস্তাব করা যাচ্ছে। একই সাথে রূপার প্রাপ্যতা ১৫ (পনের) কেজি থেকে ২০ (বিশ) কেজিতে উন্নীত করার প্রস্তাব করছি।

৩৪। ইতিপূর্বে দেশে কোন ইস্পাত ও অ্যালুমিনিয়ামের তৈরী Pre-fabricated building শিল্প ছিল না। তাই বিভিন্ন কলকারখানার ভবন দ্রুত নির্মাণে সহায়তা প্রদানের লক্ষ্যে বিগত বাজেটে সম্পূর্ণ তৈরী Pre-fabricated building এর শুল্কহার ব্যাপকভাবে হ্রাস করা হয়েছিল। দেশে Pre-fabricated building তৈরীর শিল্প স্থাপিত হয়েছে। এই শিল্পের প্রতিরক্ষণের স্বার্থে ইস্পাত ও অ্যালুমিনিয়ামের তৈরী Pre-fabricated building এর উপর প্রযোজ্য শুল্কহার ৫ শতাংশ থেকে বৃদ্ধি করে ৩৭.৫ শতাংশ করার প্রস্তাব করছি। দেশীয় শিল্প উদ্যোক্তাদের ব্যয় বৃদ্ধি না করার স্বার্থে ৮ই জুন, ২০০০ ইংরেজী তারিখের পূর্বে খোলা এল/সি এর অধীনে আমদানিতব্য Pre-fabricated building সমূহের ক্ষেত্রে বর্তমান সুবিধা বলবৎ রাখা হবে।

মাননীয় স্পীকার,

৩৫। কাস্টমস এক্ট, ১৯৬৯ এর First Schedule বা বাংলাদেশের আমদানি ও রপ্তানী শুল্কহার সম্বলিত Bangladesh Customs Tariff (BCT) ১৯৯৫ সালে সর্বশেষ সংশোধন করা হয়েছিল। ইতোমধ্যে আন্তর্জাতিক পর্যায়ে পণ্য শ্রেণীবিণ্যাসের ক্ষেত্রে বেশ কিছু সংশোধনী এসেছে। জাতীয় পর্যায়েও বিগত বৎসরগুলিতে শুল্কহার সুসম করার ফলে ট্যারিফভুক্ত হার এবং সাধারণ রেয়াতী প্রজ্ঞাপনভুক্ত হারের মধ্যে পার্থক্য সৃষ্টি হয়েছে। এর ফলে কম্পিউটারে ব্যবহারের ক্ষেত্রে বর্তমান ট্যারিফ জটিলতার সৃষ্টি করছে। একীভূত ট্যারিফ প্রচলনের জন্য বিভিন্ন মহল থেকে দাবী উঠেছে। শুল্ক প্রশাসন আধুনিকায়নের জন্যও এর প্রয়োজন পড়েছে। তাই সার্বিক বিবেচনায় প্রচলিত এবং বর্তমান শিডিউল ভুক্ত বিবরণ ও শুল্কহার সমন্বিত করে নতুন শুল্ক ট্যারিফ প্রবর্তনের প্রস্তাব করা হলো। এই প্রেক্ষিতে কাস্টমস এক্ট, ১৯৬৯ এর প্রথম তফসীল প্রতিস্থাপিত হবে।

মাননীয় স্পীকার,

৩৬। একই পণ্যের জন্য একাধিক শুল্ক-করহার সীমিত করা এবং ব্যবহারকারী-ভিত্তিক শুল্করেয়াত ক্রমান্বয়ে প্রত্যাহার করার লক্ষ্যে (১) মূলধনী যন্ত্রপাতির শুল্ক-কর রেয়াত সংক্রান্ত প্রজ্ঞাপন সংশোধন, (২) ঔষধ শিল্পের কাঁচামালের শুল্ক রেয়াত আদেশ সংশোধন, (৩) বৈদ্যুতিক পণ্য উৎপাদনে ব্যবহৃত যন্ত্রাংশ ও উপকরণের শুল্ক রেয়াত আদেশ রহিতকরণ এবং (৪) মৎস্য চাষ (Pisciculture) সংক্রান্ত প্রজ্ঞাপন বাতিলের প্রস্তাব করা হলো। এই সকল প্রজ্ঞাপনে প্রদত্ত সুবিধাগুলির অধিকাংশ ইতোমধ্যে সাধারণ রেয়াতাদেশে অন্তর্ভুক্ত হয়ে গেছে এবং তা এবারের বাজেটে শুল্ক আইনের প্রথম তফসীলে (ট্যারিফ শিডিউল) অন্তর্ভুক্ত করার প্রস্তাব করা হয়েছে।

৩৭। মূলধনী যন্ত্রপাতির রেয়াতাদেশটি ৭০ দশকে প্রথম জারী করে শুল্ক কর্মকর্তাদের কঠোর তত্ত্বাবধানে এই সুবিধা প্রদানের ব্যবস্থা রাখা হয়েছিল। সেজন্য সেখানে যন্ত্রাংশ পর্যায়ে রাবার পাইপ ও লোহার তারের ন্যায় বহু সাধারণ পণ্য অন্তর্ভুক্ত ছিল। এছাড়া একাধিক বাণিজ্যিক ব্যবহার আছে এমন কিছু বৈদ্যুতিক সরঞ্জামও এর অন্তর্ভুক্ত ছিল। এই সকল পণ্যের রেয়াতী শুল্কহার এবং সাধারণ শুল্কহারের পার্থক্যের কারণে অপব্যবহার ও শুল্কফাঁকির আশংকা থেকে যায়। তাই সরলীকরণের লক্ষ্যে এই সকল পণ্যের উপর থেকে বিশেষ রেয়াত

সুবিধা প্রত্যাহারের প্রস্তাব করা হয়েছে। অন্যান্য ক্ষেত্রে যন্ত্রপাতির জন্য বাকি সকল কর মওকুফ করে পূর্বতন ৫ শতাংশ শুদ্ধহার বহাল থাকবে। যন্ত্রাংশের ক্ষেত্রে মূল যন্ত্রপাতির চালানোর সাথে আমদানিকৃত চালান মূল্যের অনধিক ১০ শতাংশ মূল্যের যন্ত্রাংশের জন্যও এই সুবিধা প্রযোজ্য হবে। এর অতিরিক্ত যন্ত্রাংশ আমদানি করা হলে ৫ শতাংশ শুদ্ধ, ১৫ শতাংশ মূসক এবং প্রযোজ্য অন্যান্য কর আদায়যোগ্য হবে। রপ্তানীমুখী শিল্প কর্তৃক মূলধনী যন্ত্রপাতি আমদানি করা হলে বর্তমানে প্রচলিত ব্যবস্থায় প্রদেয় শুদ্ধের পরিবর্তে ইনডেমনিটি বন্ডের মাধ্যমে তা খালাস অব্যাহত থাকবে। মূলধনী যন্ত্রপাতির সংগে একত্রে যন্ত্রাংশ আমদানির ক্ষেত্রে রপ্তানীমুখী শিল্প একইভাবে অর্থাৎ চালান মূল্যের অনধিক ১০ শতাংশ মূল্যের যন্ত্রাংশ ইনডেমনিটি বন্ডে শুদ্ধ করমুক্ত খালাস করতে পারবে। পৃথকভাবে যন্ত্রাংশ আমদানির ক্ষেত্রে ৫ শতাংশ শুদ্ধ, ১৫ শতাংশ মূসক এবং প্রযোজ্য অন্যান্য কর পরিশোধ করতে হবে।

### মাননীয় স্পীকার,

৩৮। ঔষধশিল্পের কাঁচামালের ক্ষেত্রেও রেয়াতী শুদ্ধহার সাধারণ শুদ্ধহার হিসাবে সকল আমদানিকারকের জন্য প্রয়োগ করার প্রস্তাব করা হয়েছে। তবে কস্টিক সোডা, কস্টিক পটাশ, ইথানল, এ্যাসেটিক এসিড, ডিওপি ইত্যাদি এবং বিভিন্ন মোড়ক সামগ্রীর উপর হ্রাসকৃত হার সাধারণভাবে প্রয়োগ করা হলে ব্যাপক রাজস্ব ক্ষতি হবে বিবেচনায় কেবলমাত্র এই সকল পণ্যের জন্য একটি প্রজ্ঞাপন দ্বারা বিশেষ সুবিধা অব্যাহত রাখার প্রস্তাব করা হয়েছে। বৈদ্যুতিক সরঞ্জামের যন্ত্রাংশের জন্য প্রদত্ত রেয়াতী শুদ্ধহার অধিকাংশ ক্ষেত্রে সাধারণ শুদ্ধহারের সমান হওয়ায় তা সাধারণ শুদ্ধহার হিসাবে সকল আমদানিকারকের জন্য প্রযোজ্য করার এবং ঐ হার ট্যারিফ শিডিউলভুক্ত করে প্রজ্ঞাপনটি বাতিল করার প্রস্তাব করা হলো। মৎস্যচাষ (Pisciculture) সংক্রান্ত প্রজ্ঞাপনটিতে মাত্র ছয়টি পণ্য অন্তর্ভুক্ত আছে। এই সবকয়টি পণ্য শুধুমাত্র মৎস্য চাষে ব্যবহৃত হয় তাই সকল আমদানিকারকের জন্য এই ক্ষেত্রে “শূণ্য” শুদ্ধহার প্রযোজ্য করে প্রজ্ঞাপনটি বাতিল করার প্রস্তাব করা হলো।

### মাননীয় স্পীকার,

৩৯। বাংলাদেশের জন্য বৈদেশিক মুদ্রা অর্জনে প্রবাসী বাংলাদেশীদের ভূমিকা নিঃসন্দেহে অতীব গুরুত্বপূর্ণ। জাতীয় অর্থনীতিতে তাদের এই অবদানের স্বীকৃতি হিসেবে দেশে প্রত্যাবর্তনের সময় তাদেরকে বর্ধিত সুযোগ প্রদান একান্ত কাম্য। এই উদ্দেশ্যে অপর্যটক যাত্রী

ব্যাগেজ রুল এবং ট্রান্সফার অব রেসিডেন্স রুল সংশোধনপূর্বক সহজতর ও উদার করার প্রস্তাব করছি।

৪০। আমরা ইতোমধ্যে শুদ্ধ প্রশাসন আধুনিকায়নের প্রক্রিয়া, GATT চুক্তি অনুসারে পণ্যের মূল্য নির্ধারণে Transaction Value পদ্ধতি ও বাধ্যতামূলক PSI ব্যবস্থা চালু করেছি। বর্তমান বিশ্বে বিভিন্ন দেশে ইলেক্ট্রনিক মাধ্যমে পণ্যের শুদ্ধ খালাস সংক্রান্ত ডাটা এন্ট্রি এবং প্রক্রিয়াকরণ সহজভাবে করা হয়ে থাকে। WTO এর আওতায় বাণিজ্য উদারীকরণের (globalization) অংশ হিসেবে বাংলাদেশও বাণিজ্য সহায়ক (trade facilitation) কর্মসূচী হাতে নিয়েছে। এছাড়াও বিশ্বব্যাপী কাস্টমস্ পদ্ধতি সমন্বিতকরণ (harmonization) সংক্রান্ত Kyoto Convention এবং Revised Kyoto Convention এ সম্ভাব্য স্বল্পতম সময়ে স্বাক্ষর করার বিষয়টি আমরা সক্রিয়ভাবে বিবেচনা করছি। এই প্রেক্ষাপটে বাংলাদেশের শুদ্ধায়ন প্রক্রিয়ায় ইতোমধ্যে ইলেক্ট্রনিক্স মাধ্যমের প্রাথমিক ব্যবহার শুরু হয়েছে যার ব্যাপক সম্প্রসারণ দেশের স্বার্থে দ্রুততর করতে হবে। এই সকল বিষয়ে এখনই আইনানুগ ভিত্তি সৃষ্টি করা প্রয়োজন। শুদ্ধ প্রশাসন গতিশীল করা এবং শুদ্ধ পদ্ধতি সহজতর করার জন্যও কতিপয় ধারা সংশোধন ও নতুন ধারা সংযোজন করা প্রয়োজন। তাই, কাস্টমস্ এ্যাক্ট, ১৯৬৯ এর বিভিন্ন ধারার সময়োপযোগী ও প্রয়োজনীয় সংশোধন ও কতিপয় নতুন ধারা সংযোজনের প্রস্তাব করছি। এর ফলে শুদ্ধায়নে আধুনিক ব্যবস্থা প্রবর্তনের আইনগত কাঠামো তৈরী হবে যা ক্রমান্বয়ে আমদানি ও রপ্তানি পণ্য-খালাস দ্রুত, সহজ ও হরানিমুক্ত করতে সাহায্য করবে।

## মূল্য সংযোজন কর ও সম্পূরক শুদ্ধ

মাননীয় স্পীকার,

৪১। ১৯৯১ সনে প্রবর্তিত মূল্য সংযোজন কর ব্যবস্থা জাতীয় রাজস্ব আদায়ে উল্লেখযোগ্য পরিবর্তন এনেছে। দেশের সকল পণ্যের লেনদেনের উপর এই কর আদায়ের পদক্ষেপ হিসেবে গতবছর ট্রেড সার্ভিসের সংজ্ঞার আওতায় আমদানীকৃত এবং উৎপাদিত সকল পাইকারী ও শতাধিক পণ্যের খুচরা পর্যায়ে এই কর ব্যবস্থা সম্প্রসারণ করা হয়। এ ব্যবস্থা প্রবর্তনে দেশের বিভিন্ন পণ্যের লেনদেনে অনেক ক্ষেত্রে খুচরা ও পাইকারী বিক্রয় চিহ্নিতকরণে বাস্তব সমস্যার উদ্ভব হচ্ছে। কর আদায়ে স্বচ্ছতা আনার লক্ষ্যে এ সমস্যা দূর করা প্রয়োজন।

তাছাড়াও দেশের খুচরা পর্যায়ে অনেক পণ্যের ক্ষেত্রে মূল্য সংযোজন কর ব্যবস্থা সম্প্রসারিত না হওয়ায় কর আরোপে বৈষম্যের সৃষ্টি হচ্ছে। এই সমস্যাবলী নিরসনের লক্ষ্যে আমি মূল্য সংযোজন কর ব্যবস্থায় “ট্রেড সার্ভিস” এর সংজ্ঞা বিলুপ্তির প্রস্তাব করছি। বিকল্প ব্যবস্থায় দেশের করযোগ্য সকল পণ্যের বিক্রয়ের ক্ষেত্রে এক হারে মূল্য সংযোজন কর আরোপের প্রস্তাব করছি। তবে যেসব পণ্যের ক্ষেত্রে মূল্য সংযোজন কর ব্যবস্থা প্রযোজ্য নয় সেসব পণ্য বিক্রয়ের ক্ষেত্রে এই কর আদায় করা হবে না। পাইকারী ও খুচরা ব্যবসা নির্ধারণের জটিলতা পরিহার এবং কর আদায় পদ্ধতিকে সহজ করার লক্ষ্যে পাইকারী পর্যায়ের ১০% এবং খুচরা পর্যায়ের ১৫% মূল্য সংযোজনকে একীভূত করে সকল ক্ষেত্রেই ১৩.৩৫% মূল্য সংযোজনের ভিত্তিতে পণ্য বিক্রয়কালে পণ্যের মোট মূল্যের উপর ২% হারে মূল্য সংযোজন কর আদায়ের প্রস্তাব করছি।

মাননীয় স্পীকার,

৪২। মূল্য সংযোজন কর একটি পরোক্ষ কর যা পণ্য বা সেবা প্রদানের বিপরীতে পণ্য বা সেবা মূল্যের সাথে ক্রেতা প্রদান করে থাকেন। নিয়মানুযায়ী পণ্যের বিক্রেতা বা সেবা প্রদানকারী ক্রেতার নিকট থেকে এই কর আদায়পূর্বক তা সরকারের কোষাগারে জমা দেয়ার কথা। কিন্তু বর্তমান আইনে বিক্রেতা কর্তৃক ক্রেতার নিকট থেকে এই কর আদায়ের বিষয়ে সুস্পষ্ট বিধান না থাকায় করদাতা ও পণ্যের ক্রেতার মধ্যে ভুল বোঝাবুঝির সৃষ্টি হচ্ছে। এ অবস্থা নিরসনের লক্ষ্যে মূল্য সংযোজন কর আইনে বিক্রেতা কর্তৃক পণ্য মূল্য বা সেবা মূল্যের সাথে এই কর আদায়ের ক্ষমতা প্রদানের সুস্পষ্ট বিধান প্রবর্তনের প্রস্তাব করছি।

মাননীয় স্পীকার,

৪৩। মূল্য সংযোজন কর আইনে বর্তমানে কর আরোপযোগ্য নয় এরূপ পণ্যাদির তালিকা সম্বলিত প্রথম তফসিল এবং করযোগ্য সেবাসমূহ সম্বলিত দ্বিতীয় তফসিল সন্নিবেশিত আছে। একই আইনে দুটি ভিন্নমুখী তফসিল বিদ্যমান থাকায় নানাবিধ অসুবিধার সৃষ্টি হচ্ছে। এই অসুবিধাদি দূরীকরণের লক্ষ্যে আইনের বর্তমান দ্বিতীয় তফসিলভুক্ত করযোগ্য ৫৭টি সেবাখাতের তালিকা বিলুপ্ত এবং তৎপরিবর্তে মূল্য সংযোজন কর আরোপযোগ্য নহে এরূপ সেবাখাতসমূহের একটি তালিকা প্রতিস্থাপনের প্রস্তাব করছি। বর্তমান করযোগ্য সেবাখাতসমূহের সংজ্ঞা, ব্যাখ্যা, সংকুচিত হার, অব্যাহতি ও কর আদায় পদ্ধতি যথারীতি অপরিবর্তিত থাকবে। নতুন সেবাখাত হিসাবে চার্টারে বিমান বা হেলিকপ্টার ভাড়া প্রদানকারী এবং ভিডিও ও অডিও সিডি ভাড়া

প্রদানকারী প্রতিষ্ঠানকে মূল্য সংযোজন করের আওতায় আনার প্রস্তাব করছি। নিউজপ্রিন্টকে Excises and Salt Act, 1944 এর First Schedule থেকে প্রত্যাহার করে মূল্য সংযোজন কর ব্যবস্থায় আনার প্রস্তাব করছি। সমমান ও পর্যায়ে কর্মকাণ্ডের ভিত্তিতে অব্যবহিত পূর্ববর্তী অর্থবছরের তুলনায় অনূন্য বিশ শতাংশ বেশী রাজস্ব প্রদানের অঙ্গীকারের ভিত্তিতে যে সুবিধা গত বছরের বাজেটে দেয়া হয়েছিল অপব্যবহারের কারণে তা প্রত্যাহারের প্রস্তাব করছি।

### মাননীয় স্পীকার,

৪৪। মূল্য সংযোজন কর ব্যবস্থাকে আরো সুসংহতকরণ ও তার সুষ্ঠু বাস্তবায়নের মাধ্যমে পরিপূর্ণ সফল পাওয়ার জন্য এর বিধানাবলী আরো স্বচ্ছ ও সহজীকরণ করার অংশ হিসাবে প্রদেয় করের বিপরীতে যেসব ক্ষেত্রে করদাতা উপকরণ কর রেয়াতের অধিকার রাখেন না সে গুলো সংশ্লিষ্ট বিধানে অন্তর্ভুক্তির প্রস্তাব করছি। এই কর ব্যবস্থায় বিভিন্ন অপরাধের ক্ষেত্রে আরোপযোগ্য বর্তমান নির্দিষ্ট পরিমাণ অর্থদণ্ডের পরিবর্তে আরোপযোগ্য অর্থদণ্ডের সর্বনিম্ন ও সর্বোচ্চ পরিধি নির্ধারণের প্রস্তাব করছি। এই আইনের অধীনে আরোপিত কোন অর্থদণ্ডের বিরুদ্ধে আপীল কমিশনার ও ট্রাইবুনাতে আপীল দায়েরকালে অর্থদণ্ডের যথাক্রমে দশ এবং পঁচিশ শতাংশ পরিমাণ অর্থ জমা প্রদানের বর্তমান ব্যবস্থা পরিবর্তন করে প্রথম আপীলের ক্ষেত্রে অর্থদণ্ডের পাঁচ শতাংশ এবং ট্রাইবুনাতে আপীলের ক্ষেত্রে দশ শতাংশ পরিমাণ অর্থ জমা প্রদানের বিধান করার প্রস্তাব করছি। বর্তমানে আপীল গৃহীত হওয়ার ছয় মাসের মধ্যে বিভিন্ন আনুষ্ঠানিকতা সম্পন্ন করে অনেক ক্ষেত্রে মামলার নিষ্পত্তি সম্ভব না হওয়ায় বহু মামলা তামাদি হয়ে যাচ্ছে। সরকারের রাজস্ব সংরক্ষণের স্বার্থে এ সময়সীমা বৃদ্ধি করে বারো মাস নির্ধারণ করার প্রস্তাব করছি।

### মাননীয় স্পীকার,

৪৫। মূল্য সংযোজন কর ব্যবস্থায় একজন করদাতা স্ব-ব্যবস্থায় কর নিরূপণ ও পরিশোধের দায়িত্ব পালন করেন। এ ব্যবস্থায় করদাতার কার্যক্রম ও কর পরিশোধের দায়-দায়িত্ব প্রতিপালনের ত্রুটি বিচ্যুতি সনাক্তকরণে অডিট এককভাবে গুরুত্বপূর্ণ ভূমিকা পালন করে। অতীতে চার্টার্ড একাউন্ট্যান্ট ফার্মকে মূল্য সংযোজন কর কর্মকর্তার সহায়তাকারী হিসাবে অডিট দায়িত্ব পালনের ক্ষমতা দেয়া হলেও তার পারিশ্রমিক প্রদানের কোন বিধান করা হয়নি। বাণিজ্যিক অডিটরদের দায়িত্ব পালনে যুক্তিসংগত পরিমাণ পারিশ্রমিক ও কৃতিত্বপূর্ণ কর ফাঁকির

রহস্য উৎঘাটনের ক্ষেত্রে উৎঘাটিত গুপ্ত ও কর সরকারী খাতে জমা হওয়া সাপেক্ষে তাদেরকে আদায়কৃত অর্থের সর্বোচ্চ ১০ শতাংশ পুরস্কার প্রদানের প্রস্তাব করছি। বোর্ড কর্তৃক নির্ধারিত কাস্টমস্, এক্সাইজ ও মূল্য সংযোজন কর কর্মকর্তাদের সমন্বয়ে গঠিত বিশেষ অডিট দল কোন কর ফাঁকি উৎঘাটনে সমর্থ হলে তাদের ক্ষেত্রেও সনাক্ত ও আদায়কৃত রাজস্বের সর্বোচ্চ ৫ শতাংশ পরিমান অর্থ পুরস্কার হিসাবে প্রদানের বিধান প্রবর্তনের প্রস্তাব করছি।

মাননীয় স্পীকার,

৪৬। দেশের বহু সচেতন ও সং করদাতা আইনের বিধানাবলী পরিপালনের মাধ্যমে সরকারের প্রাপ্য রাজস্ব প্রদান করে আসছেন। কিন্তু এর পাশাপাশি কিছু সংখ্যক করদাতা সরকারের প্রাপ্য রাজস্ব প্রদান থেকে বিরত থাকার লক্ষ্যে তাদের ব্যবসার ক্রয় বিক্রয়ের ক্ষেত্রে চালানপত্র ইস্যু করেন না, অথবা ব্যবসা সম্পর্কিত প্রকৃত তথ্যাদি সঠিকভাবে নথিপত্রে সংরক্ষন বা মূল্য সংযোজন কর কর্তৃপক্ষের নিকট দাখিলপত্রে উল্লেখ করেন না। এরূপ কার্যকলাপের ফলে এ ধরনের ব্যবসায়ী একদিকে যেমন সরকারকে তার প্রাপ্য রাজস্ব থেকে বঞ্চিত করছেন অন্যদিকে আইন পালনকারী ব্যবসায়ীগণকে অসম প্রতিযোগিতার মধ্যে ঠেলে দিচ্ছেন, কোনভাবেই এই আচরণ গ্রহণযোগ্য নয়। সরকারের রাজস্ব যথাযথভাবে আদায় ও সুষ্ঠু প্রতিযোগিতামূলক ব্যবসার স্বার্থে এসব করদাতার কর প্রদানের দায়-দায়িত্ব ও নূন্যতম কর ভিত্তি নিরূপণের লক্ষ্যে তাদের ব্যবসার ক্রয়-বিক্রয় কার্যক্রম পর্যবেক্ষন ও সার্ভিল্যান্সে রাখার ক্ষমতা সংক্রান্ত বিধান প্রবর্তনের প্রস্তাব করছি। বকেয়াসহ মূল্য সংযোজন কর আদায়ের কার্যক্রমকে আরো গতিশীল ও কার্যকর করার লক্ষ্যে করদাতার ব্যবসার লাইসেন্স বা পারমিট প্রদানকারী ইউনিয়ন পরিষদ, উপজেলা পরিষদ, পৌরসভা ও সিটি কর্পোরেশন কর্তৃপক্ষের সহযোগিতা এবং বকেয়ার সহিত জড়িত ব্যক্তি বা প্রতিষ্ঠানের যানবাহন আটকের ক্ষমতার বিধান করার প্রস্তাব করছি। মূল্য সংযোজন কর ব্যবস্থায় করদাতার মালিকানা ও সম্পত্তি হস্তান্তর, বাণিজ্যিক দলিলাদি সংরক্ষন, আটককৃত যানবাহন সাময়িক ছাড়করণ ইত্যাদি বিষয়েও কিছু বিধান সংশোধনের প্রস্তাব করছি।

মাননীয় স্পীকার,

৪৭। সিগারেট শিল্প সরকারের রাজস্ব আদায়ের উল্লেখযোগ্য খাত হিসাবে চিহ্নিত হলেও এ খাতে কর ফাঁকির অভিযোগ অনস্বীকার্য। কর ফাঁকি রোধে, করদাতার প্রাঙ্গনে মূল্য

সংযোজন কর দাতার উপস্থিতি এবং ক্যাপাসিটি ব্যবস্থা প্রবর্তন করার পরও এ অভিযোগের স্থায়ী সমাধান হয়নি। বিড়ি শিল্পের ন্যায় সিগারেটের ক্ষেত্রে ব্যান্ডরোল ব্যবস্থা প্রবর্তন ইতিবাচক ফল দেবে বলে আমরা মনে করি। এ ব্যবস্থায় দেশে উৎপাদিত সকল সিগারেটের প্যাকেটে ব্যান্ডরোল সংযোজনের মাধ্যমে প্রযোজ্য শুল্ক ও কর আদায়ের প্রস্তাব করছি। প্রস্তাবিত ব্যবস্থা সম্পূর্ণ নতুন এবং এ খাতে বিপুল পরিমাণ রাজস্ব জড়িত বিধায় এটি সম্ভাব্য সকল প্রকার ক্রটিমুক্ত হওয়া প্রয়োজন। ব্যান্ডরোল ব্যবহারকারী কয়েকটি দেশের লব্ধ অভিজ্ঞতা সরেজমিনে যাচাই করে ব্যান্ডরোল পদ্ধতির বিস্তারিত দিক-নির্দেশনা জারী করা হবে। আশা করা যায় সংশ্লিষ্ট সকল মহলের পূর্ণাঙ্গ প্রস্তুতি শেষে আগামী ১লা জানুয়ারী, ২০০১ থেকে সিগারেট খাতে ব্যান্ডরোলের মাধ্যমে রাজস্ব আদায় শুরু করা সম্ভব হবে। এই লক্ষ্যে আমি সিগারেটের ক্ষেত্রে ব্যান্ডরোল ব্যবস্থা প্রবর্তনের জন্য মূল্য সংযোজন কর আইন, ১৯৯১ এর ধারা ৬(৪) এ প্রয়োজনীয় বিধান সংযোজনের প্রস্তাব করছি।

মাননীয় স্পীকার,

৪৮। আধুনিক ও বিজ্ঞান সম্মত কর ব্যবস্থা হিসেবে স্বীকৃত মূল্য সংযোজন কর ব্যবস্থায় কোন পণ্যকে অব্যাহতি দেয়া কর শৃংখলার জন্য ঝুঁকিপূর্ণ। তথাপি দেশের বিভিন্ন শিল্পের স্বার্থ, কর্মসংস্থান, পরিবেশ দূষণরোধ ইত্যাদি বিবেচনায় পরিশিষ্ট-“ঘ” তে বর্ণিত কিছু পণ্যের ক্ষেত্রে শুধু আমদানী পর্যায়ে, কিছু ক্ষেত্রে উৎপাদন পর্যায়ে এবং কিছু ক্ষেত্রে উভয় পর্যায়ে মূল্য সংযোজন কর অব্যাহতি এবং ৮ই জুন, ২০০০ ইংরেজী এবং তৎপরবর্তীতে ঋনপত্র খুলে ইস্পাত ও এ্যালুমিনিয়ামের তৈরী Pre-Fabricated Building এর আমদানীর ক্ষেত্রে আমদানি পর্যায়ে বর্তমান মূল্য সংযোজন কর অব্যাহতি সুবিধা প্রত্যাহারের প্রস্তাব করছি।

মাননীয় স্পীকার,

৪৯। মূল্য সংযোজন কর ব্যবস্থায় কর নিরপেক্ষতা নীতির আলোকে একই পণ্যের আমদানী ও উৎপাদন পর্যায়ে সম্পূরক শুল্ক আরোপের বিধান থাকলেও জীবন রক্ষাকারী ওষুধ আইভি স্যালাইনের কাঁচামাল Dextrose, ডিসপোজেবল সিরিঞ্জের কাঁচামাল DOP, PVC Resin, Polypropylene এবং Blister Packing এর Film এর আমদানি স্তরের সম্পূরক শুল্ক অব্যাহতির প্রস্তাব করছি। স্থানীয় শিল্পের স্বার্থ সংরক্ষণের কথা বিবেচনায় কতিপয় ক্ষেত্রে সম্পূরক শুল্ক নতুনভাবে আরোপ, আবার কতিপয় ক্ষেত্রে উৎপাদন পর্যায়ে তা অব্যাহতির



প্রস্তাব করছি। একইভাবে কিছু ক্ষেত্রে আমদানী পর্যায়ে সম্পূরক শুষ্ক হার বৃদ্ধির প্রস্তাব করছি। দেশে দুধের চাহিদা মেটানো ও ভোক্তা পর্যায়ে তার ব্যয় হ্রাসের লক্ষ্যে গুড়া দুধের সম্পূরক শুষ্ক হ্রাসের প্রস্তাব করছি। স্থানীয়ভাবে উৎপাদিত সিগারেটের সম্পূরক শুষ্ক পুনর্বিন্যাসের প্রস্তাব করছি। আমদানী পর্যায়ে মোটরগাড়ীর ক্ষেত্রে বিদ্যমান সম্পূরক শুষ্ক যুক্তি সঙ্গত ভাবে পুনর্বিন্যাসের প্রস্তাব বিভিন্ন মহল থেকে করা হয়েছে। বিষয়টি সকল আংগিকে পরীক্ষা ও বিবেচনা করে এই ক্ষেত্রে সম্পূরক শুষ্ক পুনর্বিন্যাসের প্রস্তাব করছি। এতদসংক্রান্ত বিস্তারিত প্রস্তাবাদি পরিশিষ্ট-“ঙ” -এ প্রদর্শিত হলো।

### মাননীয় স্পীকার,

৫০। মূল্য সংযোজন কর ব্যবস্থার সুফল পাওয়ার লক্ষ্যে এই কর খুচরা পর্যায়ে সকল সিটি কর্পোরেশন ও পৌর এলাকায় করযোগ্য সকল পণ্যের বিক্রয়ের ক্ষেত্রে সম্প্রসারণের প্রস্তাব করছি। এ ব্যবস্থায় করদাতার হিসাব সংরক্ষণ বাধ্যতামূলক হওয়া সত্ত্বেও দেশের আর্থ সামাজিক প্রেক্ষাপট ও বাস্তবতার আলোকেই খুচরা পর্যায়ে চালানপত্র, বাণিজ্যিক দলিলাদি ইত্যাদি সীমিত আকারে সংরক্ষণের যে সুযোগ ১৯৯৮ সনের অর্থ আইনে দেয়া হয়েছিল তা অব্যাহত রাখার প্রস্তাব করছি। তবে যে সব করদাতা কর রেয়াত সুবিধা প্রাপ্তির লক্ষ্যে শিল্পের কাঁচামাল স্থানীয়ভাবে ক্রয় করবেন তাদের ক্ষেত্রে বিক্রেতাকে যথাযথ চালানপত্র প্রদান করতে হবে। এই কর ব্যবস্থার সৃষ্ট বাস্তবায়নের লক্ষ্যে ১৯৯৮ সালের অর্থ আইনের মাধ্যমে চালুকৃত অংশীদারীত্বমূলক (Participatory) কর নির্ধারন পদ্ধতির আওতায় এই কার্যক্রম পরিচালিত হবে। সংশ্লিষ্ট চেম্বার, দোকান মালিক সমিতি ও মূল্য সংযোজন কর বিভাগের প্রতিনিধিদের সমন্বয়ে গঠিত কমিটির সুপারিশের ভিত্তিতে বার্ষিক বিক্রয়ের পরিমাণ নির্ধারন করা হবে। এর ফলে করদাতা ও কর কর্তৃপক্ষের সমঝোতার ভিত্তিতে নতুন করদাতাদের পক্ষে কর প্রদান সহজতর হবে।

### মাননীয় স্পীকার,

৫১। রাজস্ব আহরণ ব্যবস্থাকে সুসংহত করার লক্ষ্যে মূল্য সংযোজন কর ব্যবস্থার আওতায় করদাতাদের সঠিকভাবে চিহ্নিতকরণ এবং তাদের ব্যবসার লেনদেনের প্রকৃত তথ্যাদি সংগ্রহ করার জন্য মূল্য সংযোজন কর নিবন্ধন সংখ্যাকে TIN এর সাথে সংযুক্তকরণ, পর্যায়ক্রমে মাঠ পর্যায়ের সাংগঠনিক কাঠামোগুলোকে ঢেলে সাজানো ও তাদের পুনর্বিন্যাস, কর

কর্মকর্তা ও করদাতাকে প্রশিক্ষণ প্রদান ইত্যাদির উপর অধিক গুরুত্ব আরোপ করা হচ্ছে। ইতোমধ্যে মূল্য সংযোজন কর প্রশাসনে জবাবদিহিতা ও স্বচ্ছতা আনার লক্ষ্যে যুক্তরাজ্যের DFID এর অর্থায়নে তিন বৎসর মেয়াদী একটি কারিগরি সহায়তা প্রকল্পের কাজ আরম্ভ হয়েছে। আগামীতে Revenue Administration Modernization Project নামে সামগ্রীক কর ব্যবস্থার আধুনিকীকরণের জন্য আরেকটি দীর্ঘমেয়াদী উন্নয়ন প্রকল্প হাতে নেয়া হচ্ছে। এই সমস্ত পদক্ষেপের ফলে কর প্রশাসনের অন্যান্য অংগের ন্যায্য মূল্য সংযোজন কর ব্যবস্থার ক্ষেত্রেও উন্নতি সাধন করা সম্ভব হবে। আগামী অর্থবছরেই এসব ব্যবস্থার সুফল পাওয়া যাবে বলে আমি আশা করছি।

মাননীয় স্পীকার,

৫২। প্রধান কর প্রস্তাবগুলি উত্থাপনের পর এখন আমি জাতীয় রাজস্ব বোর্ড বহিষ্ঠত কর রাজস্ব বিষয়ক প্রস্তাব সম্পর্কে উল্লেখ করতে চাই। বিগত বাজেটে শর্ত সাপেক্ষে সেভিংস ইন্সট্রুমেন্টস হতে অর্জিত আয়ের ক্ষেত্রে অগ্রিম আয়কর কর্তনের বিধান করা হয়েছিল। ক্ষুদ্র বিনিয়োগকারীদের বিষয়টি পুনর্বিবেচনা করে এই অগ্রিম আয়কর প্রথা বাতিলের প্রস্তাব আমার বক্তৃতার আয়কর সংক্রান্ত অংশে করেছি। এই প্রসঙ্গে উল্লেখ করতে চাই যে, সরকারী খাতের সেভিংস ইন্সট্রুমেন্ট এর মুনাফার হার তুলনামূলক ভাবে অধিক থাকায় আর্থিক প্রতিষ্ঠান ও ব্যাংকের সঞ্চয় উৎসাহিত হচ্ছে না। তাই বেসরকারী সঞ্চয় বৃদ্ধির মাধ্যমে বিনিয়োগ বাড়িয়ে শিল্প বিকাশকে সহায়তা প্রদানের লক্ষ্যে সরকারী খাতের বিভিন্ন সেভিংস ইন্সট্রুমেন্টস এর মুনাফার হার পুনর্বিন্যাস করা প্রয়োজন। এই উদ্দেশ্যে পরিশিষ্ট “চ” এ উল্লেখিত হারে সরকারী খাতের বিভিন্ন সেভিংস ইন্সট্রুমেন্টস এর মুনাফার হার পুনর্বিন্যাসের প্রস্তাব করা যাচ্ছে।

মাননীয় স্পীকার,

৫৩। দেশের শিল্পায়ন ও ব্যবসা বাণিজ্য সম্প্রসারণের অপরিহার্য অংশ হিসেবে বীমা শিল্পের উন্নয়ন ও বিকাশের প্রয়োজন। এই উদ্দেশ্যে বীমা শিল্পের বিভিন্ন ক্ষেত্রে স্ট্যাম্প ডিউটি হ্রাস করার জন্য Stamp Act, 1899 এর Schedule এ প্রয়োজনীয় কতিপয় সংশোধনীর প্রস্তাব করছি।

মাননীয় স্পীকার,

৫৪। দেশে ভূমি কেনা-বেচায় ব্যাপক হারে Non-judicial Stamp paper ব্যবহৃত হয়। এই স্ট্যাম্প পেপার মূদ্রণ ও তা দেশের বিভিন্ন অঞ্চলে সরবরাহ করার জন্য সরকারকে বিপুল অর্থ ব্যয় করতে হয়। এই স্ট্যাম্প সংগ্রহ করতে গিয়ে জনসাধারণকেও নানাবিধ হয়রানির সম্মুখীন হতে হয়। স্ট্যাম্প জালিয়াতি, স্ট্যাম্প ক্রয়-বিক্রয়ে অনিয়ম এবং এই ক্ষেত্রে দূর্নীতি সম্পর্কে বহু অভিযোগ সরকারের কাছে এসেছে। বীমা পত্রে ব্যবহৃত Non-judicial Stamp এর ক্ষেত্রেও অনুরূপ অভিযোগ ও অসুবিধা বিদ্যমান রয়েছে। সরকারী রাজস্ব স্বার্থ সংরক্ষণ, এই খাতে অনিয়ম ও দূর্নীতি উচ্ছেদ, জনসাধারণের স্বার্থ সংরক্ষণ এবং Stamp Duty সংক্রান্ত প্রশাসনকে সরলীকরণের উদ্দেশ্যে Stamp Act, 1899 এর যথাযথ সংশোধনের প্রস্তাব করছি। স্ট্যাম্প পেপার ও স্ট্যাম্প ব্যবহার সীমিত করে সরাসরি স্ট্যাম্প ডিউটি পরিশোধের নতুন ব্যবস্থা সংক্রান্ত বিধান জারী করে এই পদক্ষেপকে চূড়ান্তরূপ দেয়া হচ্ছে।

মাননীয় স্পীকার,

৫৫। সড়ক পরিবহন অবকাঠামোর উন্নয়ন ও রক্ষণাবেক্ষণের জন্য সরকারকে প্রতি বছর বিপুল অর্থ ব্যয় করতে হয়। এই খাতে সরকারের বর্ধিত ব্যয় মেটানোর জন্য রাজস্ব আয় বৃদ্ধির লক্ষ্যে মোটরযান কর হার পুনর্বিন্যাস করে মোটর ভেহিকেলস্ ট্যাক্স এক্ট, ১৯৩২ এর প্রথম তফসীল সংশোধনের প্রস্তাব করা হয়েছে। এ প্রস্তাব কার্যকর করা হলে আগামী ২০০০-২০০১ অর্থ বছরে সরকারের রাজস্ব আয় আনুমানিক ৩০ (ত্রিশ) কোটি টাকা বৃদ্ধি পাবে বলে আশা করা যায়।

মাননীয় স্পীকার,

৫৬। তথ্য প্রযুক্তির ব্যবহার বিশ্ব বাণিজ্যে একটি যুগান্তকারী পরিবর্তনের সূচনা করেছে। ইলেক্ট্রনিক বাণিজ্যে ইন্টারনেট, ই-মেইল ইত্যাদির ব্যবহার উত্তরোত্তর বৃদ্ধি পাচ্ছে এই সব মিডিয়ার ব্যবহারের তাৎপর্যও গুরুত্ব সরকার উপলব্ধি করে। এই প্রেক্ষাপটে আয়কর, মূল্য সংযোজন কর ও শুল্ক প্রশাসনকে সঠিক ও জোরদার করণের লক্ষ্যে ব্যবসা বাণিজ্যের প্রকৃতি ও ধারা বিশ্লেষণের মাধ্যমে সময়োপযোগী কর্মপন্থা নির্ধারণে সরকারকে সহায়তা প্রদানের জন্য পৃথক ও স্পেশালাইজড গবেষণাধর্মী একটি সংগঠন স্থাপন করা জরুরী প্রয়োজন বলে আমি মনে

করি। এ জন্য জাতীয় রাজস্ব বোর্ডে “Fiscal Research and Analysis Unit” নামে একটি নতুন ইউনিট গঠন করার প্রস্তাব করছি।

মাননীয় স্পীকার,

৫৭। আমি ইতোপূর্বে ২০০০-২০০১ অর্থ বছরের প্রধান কর প্রস্তাব সমূহ এই মহান সংসদে পেশ করেছি। ১৯৯৯-২০০০ অর্থ বছরে জাতীয় রাজস্ব বোর্ডের জন্য প্রাথমিকভাবে রাজস্ব লক্ষ্যমাত্রা নির্ধারণ করা হয়েছিল ১৭,৫০০ কোটি টাকা। পরবর্তীতে সংশোধিত লক্ষ্যমাত্রা নির্ধারিত হয় ১৬,০০০ কোটি টাকা। এবার আমি ২০০০-২০০১ অর্থ বছরের বাজেট প্রস্তাবসমূহের সার্বিক রাজস্ব তাৎপর্য তুলে ধরছি। এই অর্থ বছরে জাতীয় রাজস্ব বোর্ডের আওতাধীন করসমূহ থেকে ১৮,০০০ কোটি টাকা রাজস্ব লক্ষ্যমাত্রা নির্ধারণ করা হয়েছে। আয়কর খাতে করদাতাদের সুবিধা প্রদানের বিভিন্ন প্রস্তাবের ফলে ২১ কোটি টাকা রাজস্ব হ্রাস পাবে। অপরদিকে কর ভিত্তি সম্প্রসারণের ফলে ১১২ কোটি টাকা রাজস্ব বৃদ্ধি পাবে। এ খাতে নীট ৯১ কোটি টাকা রাজস্ব বৃদ্ধি পাবে। আমদানী শুল্ক হার হ্রাসের ফলে আনুমানিক ৮০ কোটি টাকা রাজস্ব হ্রাস পাবে। শুল্কহার বৃদ্ধির ফলে রাজস্ব বৃদ্ধি হবে ১৫ কোটি টাকা। ফলে আমদানী শুল্ক খাতে নীট রাজস্ব ক্ষতি দাঁড়াবে ৬৫ কোটি টাকা। অভ্যন্তরীণ পর্যায়ে মূল্য সংযোজন কর ব্যবস্থার সম্প্রসারণ এবং সম্পূরক শুল্ক আরোপের ফলে ২৪৫ কোটি টাকা অতিরিক্ত রাজস্ব পাওয়া যাবে। এই খাতে কর অব্যাহতি প্রদানের কারণে রাজস্ব হ্রাস পাবে ৫ কোটি টাকা। অর্থাৎ এই খাতে কর ব্যবস্থার ফলে নীট রাজস্ব বৃদ্ধি হবে ২৪০ কোটি টাকা। সার্বিকভাবে কর ব্যবস্থার পদ্ধতিগত সংস্কার ও আদায় ব্যবস্থা জোরদার করার ফলে ৮০০ কোটি টাকা রাজস্ব বৃদ্ধি এবং স্বাভাবিক প্রবৃদ্ধির (autonomous growth) কারণে অবশিষ্ট রাজস্ব পাওয়া যাবে বলে আমি আশা করছি।

মাননীয় স্পীকার,

৫৮। আমার বক্তৃতা শেষ করার পূর্বে এ মহান সংসদকে পুনরায় জানাতে চাই যে, এই বাজেটে কর ব্যবস্থার সংস্কার ও যৌক্তিকীকরণ, রাজস্ব প্রশাসনের উন্নয়ন এবং কর ভিত্তি সম্প্রসারণের মাধ্যমে রাজস্ব বৃদ্ধির উদ্যোগ আমরা গ্রহণ করেছি। একটি জটিলতা মুক্ত, সহজ ও আধুনিক আয়কর ব্যবস্থা প্রতিষ্ঠার লক্ষ্যে স্বনির্ধারণী পদ্ধতি অধিকতর সহজীকরণ এবং সর্বনিম্ন করযোগ্য আয়স্তর সীমা বৃদ্ধি সহ একাধিক পদক্ষেপ গ্রহণ করা হয়েছে। কর ব্যবস্থায় দুর্নীতি

উচ্ছেদ এবং করদাতাদের হয়রানী-হাস করার জন্য সরকার একান্তভাবে সচেত্ন রয়েছে। এই সমস্ত ব্যবস্থা বাংলাদেশের কর প্রশাসনকে বিশ্বায়ন প্রক্রিয়া ও একবিংশ শতাব্দীর উপযোগী করে তুলতে সক্ষম হবে বলে আমি বিশ্বাস করি।

মাননীয় স্পীকার,

৫৯। মুক্ত বাজার অর্থনীতির প্রেক্ষাপটে বিশ্ব বাণিজ্যের তীব্র প্রতিযোগিতায় সফলভাবে টিকে থাকতে হলে আর্থিক সংস্কার সম্পন্ন করে যুগোপযোগী আর্থিক উন্নয়নের পরিবেশ আমাদেরকে নিশ্চিত করতেই হবে। এর জন্য প্রয়োজন বিরোধী দলসহ সকল শ্রেণীর জনগণের জাতীয় ঐক্যমত্যের। বর্তমান জনগোষ্ঠীর কথা ভাবলেই আমাদের দায়িত্ব শেষ হবে না। অনাগত প্রজন্মের জন্য আমাদের রেখে যেতে হবে উন্নয়ন-সহায়ক একটি পরিবেশ যার মধ্যে থাকবে তাদের উন্নত ও সমৃদ্ধ জীবনের অফুরন্ত সম্ভাবনা। আমাদের সমস্যা ব্যাপক কিন্তু আমাদের অস্বীকার এবং একনিষ্ঠতার কোন অভাব নেই। আমি বিশ্বাস করি যে সকলে একতাবদ্ধ হয়ে ইনশাআল্লাহ আমরা একটি সমৃদ্ধ, ন্যায় বিচার ও সমতা ভিত্তিক গণতান্ত্রিক সমাজ ব্যবস্থা এদেশে কয়েকের লক্ষ্য অর্জন করতে সক্ষম হবো।

নতুন শহস্রাব্দের অপরিসীম সম্ভাবনা ও চ্যালেঞ্জের মুখে এ দেশের অগনিত সমস্যা মোকাবেলায় বর্তমান সরকারের দৃঢ় প্রত্যয় ব্যক্ত করতে গিয়ে বিশ্ব কবি রবীন্দ্রনাথ ঠাকুরের কয়েকটি পংক্তি দিয়ে আমি আমার বক্তব্য শেষ করতে চাই :

“এই-সব মৃঢ় ম্লান মুক মুখে

দিতে হবে ভাষা ; এই-সব শ্রান্ত শুষ্ক ভগ্ন বুকে  
ধনিয়া তুলিতে হবে আশা ; ডাকিয়া বলিতে হবে-  
‘মুহূর্ত তুলিয়া শির একত্র দাঁড়াও দেখি সবে ;  
যার ভয়ে তুমি ভীত সে অন্যায় ভীক তোমা-চেয়ে,  
যখন জাগিবে তুমি তখন সে পলাইবে ধৈর্যে ।”

জয় বাংলা

জয় বঙ্গবন্ধু

বাংলাদেশ চিরজীবি হউক।

১লা জুলাই, ১৯৯৯ - ৩০শে জুন, ২০০০ সময়ে গৃহীত শুদ্ধ ও কর পরিবর্তন বিষয়ক  
কার্যক্রমের সার-সংক্ষেপ।

**আমদানি শুদ্ধ :**

ক্রমিক নং	পণ্যের বিবরণ	শুদ্ধহার	
		পুরাতন	হ্রাসকৃত
(১)	(২)	(৩)	(৪)
১।	ব্রুড পাম অয়েল	২৫%	১৫%
২।	প্রাকৃতিক স্টিয়েটেইট	৫%	০%
৩।	এন্টিবায়োটিক	৫%	০%
৪।	কোমল পানীয় তৈরীর কাঁচামাল	৩৭.৫%	২৫%
৫।	উড পাল্ল	৫%	০%
৬।	টেক্সটবুক ব্যতীত অন্যান্য পুস্তক	১৫%	৫%
৭।	পিয়াজ	১৫%	৫%
৮।	বড ও বার (যাতে কার্বনের পরিমাণ ওজন ভিত্তিক ০.৬% এর অধিক)	১৫%	৫%
৯।	শীট পাইলিং	৩৭.৫%	৫%
১০।	রেইল	১৫%	৫%
১১।	সিরামিক শিল্পের সহায়ক কাঁচামাল ডিক্যালকমোনিয়া পেপার	১৫%	৫%
১২।	বোলটিং ক্রুথ	১৫%	৫%
১৩।	ফিল্মিং সলিউশন	৩৭.৫%	৫%
১৪।	গণপরিবহনের জন্য যানবাহনের চেসিস	২৫%	৫%
১৫।	তাঁত শিল্পে ব্যবহৃত জরির কাঁচামাল মেটালাইজড প্রাষ্টিক ফিল্ম	৩৭.৫%	১৫%
১৬।	ক্র্যাপ জাহাজ	১৫%	৫%

মূল্য সংযোজন কর :

ক্রমিক নং	মুসক অব্যাহতি
১।	বিশেষজ্ঞ ডাক্তার, আইন পরামর্শক ও দস্ত চিকিৎসা কেন্দ্রের সেবা, তারকাটা, প্লাস্টিক এবং রাবারের পাদুকা/চপ্পল, কাঁচা রেশম (পাকাইবার উপযোগী নয়) এবং ১০ই জুন ১৯৯৯ইং - এর পূর্বে সম্পাদিত দরপত্র বা চুক্তির ক্ষেত্রে “পরিবহণ ঠিকাদার” -এর উপর মুসক অব্যাহতি।
২।	<b>Maize Seed and Sorghum Seed</b> , -এর উপর হতে আমদানি পর্যায়ে মুসক অব্যাহতি।
৩।	রপ্তানীর ক্ষেত্রে “ঋণপত্রের সেবা প্রদানকারী” -র উপর মুসক অব্যাহতি।

আয়কর :

ক্রমিক নং	আয়করের হার/হাস/রেয়াত/অব্যাহতি
১।	আয়করের ক্ষেত্রে যাত্রী পরিবহন ও মালামাল পরিবহনে নিয়োজিত অভ্যন্তরীণ নৌযান, বাস ও ট্রাক ইত্যাদির ক্ষেত্রে অনুমিত আয়করের হার হ্রাস করা হয়েছে।
২।	জাতীয় ক্রীড়া পরিষদের দানের ক্ষেত্রে ৫০% আয়কর রেয়াত প্রদান করা হয়েছে।
৩।	নির্দিষ্ট শিল্প প্রতিষ্ঠানে কর্মরত বিদেশী টেকনিশিয়ানদের ৩(তিন) বছর পর্যন্ত কর অব্যাহতি প্রদানের ক্ষেত্রে শিল্প প্রতিষ্ঠানের তালিকা সম্ভ্রসারণ এবং আয়কর অব্যাহতি সুবিধাপ্রাপ্ত ভৌত অবকাঠামো তালিকার সম্ভ্রসারণ।

১। ব্যক্তিশ্রেণীর করদাতাদের কর হার :

	হার
(১) প্রথম ১০০,০০০/- টাকা পর্যন্ত মোট আয়ের উপর	শূন্য
(২) পরবর্তী ৫০,০০০/- টাকা পর্যন্ত মোট আয়ের উপর	১০%
(৩) পরবর্তী ১,৫০,০০০/- টাকা পর্যন্ত মোট আয়ের উপর	১৮%
(৪) অবশিষ্ট মোট আয়ের উপর	২৫%

তবে সর্বনিম্ন প্রদেয় কর ১,০০০/- টাকা প্রদানের শর্তটি বহাল থাকবে।

২। পুঁজিবাজারের বিকাশের লক্ষ্যে আয়কর সম্পর্কিত প্রস্তাবসমূহ :

- (ক) স্টক এক্সচেঞ্জে তালিকাভুক্ত কোম্পানী ২৫ শতাংশ অথবা তার বেশী লভ্যাংশ ঘোষণা করলে ঐ কোম্পানী প্রদেয় আয়করের ১০ শতাংশ কর রেয়াত;
- (খ) লভ্যাংশ আয়ের কর অব্যাহতি সীমা ৩০,০০০/- টাকা থেকে ৪০,০০০/- টাকা বৃদ্ধি;
- (গ) সেকেন্ডারী মার্কেট হতে ক্রয়কৃত শেয়ারকে বিনিয়োগ জনিত কর রেয়াত এবং
- (ঘ) কর রেয়াতের জন্য বিনিয়োগের ক্ষেত্রে স্টক একচেঞ্জে নিবন্ধিত কোম্পানীর প্রাথমিক শেয়ারে বিনিয়োগ করা হলে দুই লক্ষ টাকা বিনিয়োগসীমার অতিরিক্ত আরও পঁচিশ হাজার টাকা বিনিয়োগ সুবিধা প্রদান।

৩। উৎসে কর্তৃত/সংগৃহীত করকে চূড়ান্ত করদায় হিসাবে গণ্যের খাতসমূহ:

- ক) এয়ার লাইস কর্তৃক ট্রাভেল এজেন্সীসমূহকে প্রদত্ত কমিশন চার শতাংশ হারে গণ্য করে উক্ত কমিশনের উপর পাঁচ শতাংশ হারে উৎসে কর কর্তন এবং এরূপ উৎসে কর্তৃত করকে চূড়ান্ত করদায় হিসেবে বিবেচনা;
- খ) জেনারেল ইন্স্যুরেন্স কোম্পানীর সার্ভেয়ারদের বিল প্রদানের ক্ষেত্রে সার্ভে বিলের উপর পাঁচ শতাংশ হারে উৎসে কর কর্তন করা এবং এরূপ উৎসে কর্তৃত কর চূড়ান্ত করদায় হিসেবে গণ্য করা;
- গ) কোম্পানী ব্যতীত অন্যান্য সকল করদাতার ক্ষেত্রে সঞ্চয়ী ও মেয়াদী আমানতের সুদের উপর দশ শতাংশ হারে উৎসে কর্তৃত কর চূড়ান্ত করদায় হিসেবে গণ্য করা;
- ঘ) জনশক্তি রপ্তানীর ক্ষেত্রে দশ শতাংশ হারে উৎসে কর্তৃত কর চূড়ান্ত করদায় হিসেবে গণ্য করা;



- ঙ) বীমা খাতকে উৎসাহ প্রদান এবং ক্ষুদ্র বীমা এজেন্টদের সুবিধার্থে উৎসে কর কর্তনের অব্যাহতি সীমা ২৫,০০০/- টাকা হতে ৪০,০০০/- টাকায় বৃদ্ধি করা। তবে ৪০,০০০/- টাকার উপরে বীমা কমিশন প্রাপ্তির ক্ষেত্রে সম্পূর্ণ কমিশনের উপর পাঁচ শতাংশ হার উৎসে কর্তন করা এবং এরূপ কর্তিত কর চূড়ান্ত করদায় হিসেবে গণ্য করা;

#### ৪। উৎসে কর সংগ্রহ/কর্তনের বিধান প্রত্যাহার ও পুনর্বিন্যাসের তালিকা:

- ক) সেভিংস ইনস্ট্রুমেন্টের উপর অর্জিত সুদকে করমুক্ত করার লক্ষ্যে দশ শতাংশ হারে উৎসে কর কর্তনের বিধান বিলোপ;
- খ) রিয়েল এস্টেট ব্যবসায়ীদের দালান/এপার্টমেন্টের নকশা অনুমোদনকালে নির্ধারিত হারে উৎসে কর সংগ্রহের বিধান বিলোপ করে সাধারণ পদ্ধতিতে তাদের কর নির্ধারণ প্রক্রিয়া সম্পন্ন করা;
- ঘ) বোনাস শেয়ার প্রদানের ক্ষেত্রে উৎসে কর সংগ্রহের বিধান বিলোপ করা;
- ঙ) বিদেশী ক্রেতাদের এজেন্টদের প্রাপ্ত কমিশন বা চার্জের উপর উৎসে কর কর্তনের বর্তমান হার কমিয়ে ২.৫% করা এবং উৎসে এ কর কর্তনের দায়িত্ব ব্যাংকের উপর প্রদান;
- চ) বিড়ি শিল্পের ব্যান্ডরোলের উপর উৎসে কর কর্তনের বর্তমান হার পাঁচ শতাংশ থেকে কমিয়ে তিন শতাংশ করা;

#### ৫। আয়কর বিধি 16 অনুযায়ী ঠিকাদার ও সরবরাহকারীদের নিকট হতে উৎসে কর কর্তনের হার যৌক্তিকীকরণ:

##### বর্তমান হার:

২,০০,০০০/- টাকা পর্যন্ত পরিশোধের জন্য	৩%
২,০০,০০০/- টাকার অধিক হতে ১০,০০,০০০/- টাকা পর্যন্ত পরিশোধের জন্য	১.৫%
১০,০০,০০০/- টাকার অধিক হতে ২৫,০০,০০০/- টাকা পর্যন্ত পরিশোধের জন্য	২.৫%
২৫,০০,০০০/- টাকার অধিক পরিশোধের জন্য	৩%

##### প্রস্তাবিত হার:

৩,০০,০০০/- টাকা পর্যন্ত পরিশোধের জন্য	৩%
৩,০০,০০০/- টাকার অধিক হতে ২৫,০০,০০০/- টাকা পর্যন্ত পরিশোধের জন্য	২%
২৫,০০,০০০/- টাকার অধিক পরিশোধের জন্য	৩%

৬। আয়কর বিধি 17B অনুযায়ী গৃহ সম্পত্তির ভাড়া প্রদানকালে উৎস কর কর্তনের হার বোদ্ধিকীকরণঃ

বর্তমান হার :

মাসিক ১০,০০০/- টাকা পর্যন্ত ভাড়া প্রদানের ক্ষেত্রে	শূণ্য
মাসিক ১০,০০০/- টাকার অধিক এবং ২০,০০০/- টাকা পর্যন্ত ভাড়া প্রদানের ক্ষেত্রে	৩%
মাসিক ২০,০০০/- টাকার অধিক এবং ৩০,০০০/- টাকা পর্যন্ত ভাড়া প্রদানের ক্ষেত্রে	৪%
মাসিক ৩০,০০০/- টাকার অধিক ভাড়া প্রদানের ক্ষেত্রে	৫%

প্রস্তাবিত হারঃ

মাসিক ১৫,০০০/- টাকা পর্যন্ত ভাড়া প্রদানের ক্ষেত্রে	শূণ্য
মাসিক ১৫,০০০/- টাকার অধিক এবং ৩৫,০০০/- টাকা পর্যন্ত ভাড়া প্রদানের ক্ষেত্রে	৩%
মাসিক ৩৫,০০০/- টাকার অধিক ভাড়া প্রদানের ক্ষেত্রে	৫%

৭। ভাড়ার ব্যবহৃত হয় এরূপ যানবাহনের আয়ের ক্ষেত্রে ও বিনিয়োগের উপর বিদ্যমান কর হার পুনর্বিনিয়াকরণঃ

(ক) রেজিস্ট্রেশনের তারিখ হতে ১০ বৎসর বা কম সময় অতিক্রান্ত হয়েছে এরূপ যানবাহনের জন্য অনুমিত আয়করের হার নিম্নরূপে পুনর্বিনিয়াকরণঃ

ক্রমিক নং	বিবরণ	বর্তমানে প্রদেয় কর হার	প্রস্তাবিত কর হার
১)	৫২ সিটের অধিক আসন বিশিষ্ট প্রতিটি বাসের জন্য	৩,৫০০.০০	৫,০০০.০০
২)	৫২ বা উহার কম আসন বিশিষ্ট প্রতিটি বাসের জন্য	২,৮০০.০০	৪,০০০.০০
৩)	তাপানুকূল বাস বা দোতালা বাস প্রতিটির জন্য	৩,০০০.০০	৪,৫০০.০০
৪)	তাপানুকূল বা তাপানুকূল ছাড়া যে কোন মিনিবাস বা কোষ্টার প্রতিটির জন্য	১,৮০০.০০	২,৭০০.০০
৫)	কন্টেইনার পরিবহনে ব্যবহৃত প্রাইমমুভার প্রতিটির জন্য	৩,৫০০.০০	৫,০০০.০০
৬)	পাঁচ টনের অধিক ধারণ ক্ষমতা সম্পন্ন ট্রাক বা ট্যাংক-লরী প্রতিটির জন্য	২,৮০০.০০	৪,০০০.০০

ক্রমিক নং	বিবরণ	বর্তমানে প্রদেয় কর হার	প্রস্তাবিত কর হার
৭)	দেড়টনের বেশী কিন্তু পাঁচ টনের বেশী নহে এইরূপ ধারণ ক্ষমতা সম্পন্ন ট্রাক বা ট্যাংক-লরী প্রতিটির জন্য	১,৫০০.০০	২,৫০০.০০
৮)	দেড়টন বা উহার কম ধারণ ক্ষমতা সম্পন্ন ট্রাক, পিকআপ ভ্যান ও সকল ধরনের হিউম্যান হলার, ম্যান্ড্রিন বা মাল বহনকারী অটোরিক্সা প্রতিটির জন্য	৫০০.০০	৭৫০.০০

খ। বর্তমানে প্রথম রেজিস্ট্রেশনের সময়এরূপ যানবাহনের উপর প্রদেয় আয়করের মাত্র ১২৫ শতাংশ আয়কর হিসেবে পরিশোধ করা হলে কোন প্রশ্ন ব্যতীরেকে উপরিউক্ত যানবাহনের বিনিয়োগ গ্রহণ করার বিধান আছে। যানবাহনের মূল্যের তুলনায় এ হার অত্যন্ত কম বলে তা যুক্তিযুক্ত করার জন্য ১২৫ শতাংশের স্থলে ২০০ শতাংশ করা;

৮। আয়কর অধ্যাদেশের 19B ধারায় গৃহসম্পত্তিতে বিনিয়োগের উপর কর হার বৌদ্ধিকীকরণ :

বাড়ী বা এ্যাপার্টমেন্টের plinth area	বর্তমান হার (বর্গমিটার প্রতি)	প্রস্তাবিত হার (বর্গমিটার প্রতি)
৭০ বর্গমিটার পর্যন্ত বাড়ী নির্মান বা এ্যাপার্টমেন্ট ক্রয়ের ক্ষেত্রে	১০০/- টাকা	৭৫/- টাকা
৭০ বর্গমিটারের অধিক হতে ১৪০ বর্গমিটার পর্যন্ত	১০০/- টাকা	১২০/- টাকা।
১৪০ বর্গমিটারের অধিক হতে ২৩০ বর্গমিটার পর্যন্ত	১৫০/- টাকা	১৮০/- টাকা।
২৩০ বর্গমিটারের অধিক	২০০/- টাকা	২৫০/- টাকা।

৯। ঔষধ শিল্পের জন্য Free sample বিতরণ সংক্রান্ত অনুমোদিত খরচের প্রস্তাবিত হার :

	হার
৫ কোটি টাকা পর্যন্ত বিক্রয়ের জন্য	২%
৫ কোটি টাকার বেশী ১০ কোটি টাকা পর্যন্ত	১%
১০ কোটি টাকার বেশী	০.৫০%

## আমদানি শুল্ক সংক্রান্ত কার্যক্রমের সংক্ষিপ্ত সার :

ক্রমিক নং	পণ্যের বিবরণ	শুল্কহার		রাজস্ব প্রতিক্রিয়া (কোটি টাকায়)	
		বিদ্যমান	প্রস্তাবিত	বৃদ্ধি (+)	হ্রাস (-)
(১)	(২)	(৩)	(৪)	(৫)	(৬)
১।	সকল ধরণের ষ্টার্চ, গু ও গাম	৫%, ২৫% ৩৭.৫%	৫%		-৫.৮২
	ল্যাক	২৫%	১৫%		
২।	সিন্থেটিক অর্গানিক কালারিং সামগ্রী	১৫%	৫%		-১.৮৮
৩।	ফিনিসিং এজেন্ট, ডাইস্টাফ, ফিল্মিং ও অন্যান্য দ্রব্য	৫% ও ২৫%	৫%		-০.৭৬
৪।	থ্রেড ওয়েস্ট (Thread waste) এবং ইয়ার্ণ ওয়েস্ট (Yarn waste)	১৫%	৫%		-০.০১
	কটন নীট ফ্যাব্রিক ওয়েস্ট	৩৭.৫%	৫%		
৫।	জিংক অক্সাইড, অ্যালুমিনিয়াম হাইড্রোক্সাইড, বেরিয়াম কার্বনেট	১৫%	৫%		-১.২৪
৬।	ট্রান্সফার (ডিকালকমেনিয়া) পেপার	১৫%	৫%		-০.৪৫
৭।	আমদানিকৃত গুঁড়ো দুধ :- বাস্ক	৩৭.৫%	২৫%		-২৫.০০
৮।	তাজা ও হিমায়িত মুরগী	২৫%	৩৭.৫%		-০.০০
৯।	ক্রুড মার্বেল ও মার্বেল ব্লক (৪০০০ কেজি ও তার অধিক ওজনের)	১৫% ও ৩৭.৫%	২৫%		-০.০০
১০।	ক্রেব্রিন, ফ্লোরিন, ব্রোমিন ও আয়োডিন	১৫%	৫%		-০.০৫
১১।	প্রাষ্টিকের তৈরী সজীর মাচা, নার্সারী ট্রে	৩৭.৫%	১৫%		-০.৬৯
১২।	প্রাষ্টিক মোড়ানো কাগজের প্যাকেট (ফুট জুস ইত্যাদির আধার), যথা ট্রোপ্যাক	২৫%	৫%		-০.৮৮
১৩।	ফিল্টার পেপার	৩৭.৫%	১৫%		-০.১০
১৪।	সূর্যের অতিবেগুনী রশ্মি থেকে কৃষিজাত দ্রব্য সুরক্ষার আধুনিক উপকরণ UV net	৩৭.৫%	৫%		-০.০৮
১৫।	storage equipment made of PVC with zipper	৩৭.৫%	৫%		-৪.৫৫
১৬।	কৃষি উপকরণ তৈরীর বিভিন্ন কাঁচামাল যেমন বর্জ্য দস্তা, টিন ও দস্তার গুঁড়া, পাউডার, চূর্ণ প্রভৃতি	১৫%	৫%		-১৫.৩৩

ক্রমিক নং	পণ্যের বিবরণ	উল্লেখ্য		রাজস্বপ্রতিক্রিয়া (কোটি টাকায়)	
		বিদ্যমান	প্রস্তাবিত	বৃদ্ধি (+)	হ্রাস (-)
(১)	(২)	(৩)	(৪)	(৫)	(৬)
১৭।	ক্রীম সেপারেট	২৫%	৫%		-০.১০
১৮।	চা উৎপাদন ও প্রক্রিয়াজাতকরণের বিভিন্ন স্তরে ড্রাইং এর কাজে ব্যবহার্য Industrial Fan and Blower	৩৭.৫%	৫%		-০.৬৬
১৯।	আর্গন গ্যাস	১৫%	৫%		-০.২০
২০।	বৈদ্যুতিক সরঞ্জাম শিল্পের কাঁচামাল মার্কারী, ক্যাপিং সিমেন্ট, কপার বার, কপার সীট ও টান্ড্যান ওয়ার প্রভৃতি	১৫%, ২৫% ও ৩৭.৫%	৫% ও ১৫%		-৪.৯১
২১।	শিল্পে ব্যবহার্য কাঁচামাল বিভিন্ন ধরনের ফসফেট ও পলি ফসফেট এবং সোডিয়াম ডাইক্রোমেট	১৫%	৫%		-০.৪০
২২।	ওয়াটার বেইজড পলিমার রেজিন এর কাঁচামাল ভিনাইল এসিটেট, ডাই-ইথাইল হেক্সাইল এক্রিলাইড, এক্রাইলিক ও মিথাইক্রিলিক এসিড ও ইস্টার	৫% ও ১৫%	"০" ও ৫%		-০.৩০
২৩।	EVA ব্যতীত প্রাথমিক পর্যায়ের ইথিলিনের পলিমারসমূহ যথা HDPE (Film grade ব্যতীত), LDPE, LLDPE প্রভৃতি	১৫% ও ৩৭.৫%	২৫%	+২.৯১	
২৪।	এন্টিনক ও এন্টি অক্সিডেন্ট কেমিক্যালস	২৫% ও ১৫%	১৫%		-০.৬২
২৫।	কম্পিউটার প্রিন্টারের Inkjet Refill Kit	৩৭.৫%	"০"		১.৭৬
২৬।	পলিথিন লাইন্ড, ল্যাকার্ড, পিভিসি কোটেড ও ল্যামিনেটেড এ্যালুমিনিয়াম ফয়েল এবং পলিথিলিন কোটেড পেপারস।	৫%	২৫%	+৫.৬৫	
২৭।	মুদ্রণ শিল্পে ব্যবহৃত ফটোগ্রাফিক প্রেসেস এবং ফিল্ম	৩৭.৫%	১৫%		-০.০২
২৮।	কার্বন রড উৎপাদনে ব্যবহার্য আর্টিকিসিয়াল গ্রাফাইট, কলোইডাল ও সেমি-কলোইডাল গ্রাফাইট	২৫%	১৫%		-০.০৫
২৯।	ল্যামিনেটেড টিউব তৈরীর কাঁচামাল মাল্টিলেয়ার এক্সট্রুডেড প্লাস্টিক প্যাকেজিং দ্রব্যাদি	৩৭.৫%	২৫%		-৪.৩৪

ক্রমিক নং	পণ্যের বিবরণ	উৎসাহ		রাজস্বপ্রতিক্রিয়া (কোটি টাকায়)	
		বিদ্যমান	প্রস্তাবিত	বৃদ্ধি (+)	হ্রাস (-)
(১)	(২)	(৩)	(৪)	(৫)	(৬)
৩০।	গ্রাইভেট টেলিফোন কল অপারেটরদের ব্যবহার্য স্পট বিলিং মেশিন	২৫%	৫%		-০.০১
৩১।	ট্রেড এডভার্টাইজিং ম্যাটেরিয়াল, ক্যালেন্ডার, কমার্শিয়াল কার্টালগ ইত্যাদি	০%	৫%	+০.০৯	
৩২।	ধাতব জরির সূতা	০%	১৫%	+০.০৬	
৩৩।	ইস্পাত ও এলুমিনিয়ামের প্রি-ক্যাব্রিকেটেড বিল্ডিং	৫%	৩৭.৫%	+৫.৩৬	
৩৪।	সিনেমা আর্ক কার্বন	৩৭.৫%	১৫%		-০.০৩
৩৫।	সম্পূর্ণ বিযুক্ত অবস্থায় আমদানিকৃত পিকআপ	১৫%	৫%		-৫.৫৬
৩৬।	অকৃষিক্র কীটনাশক তৈরীর কাঁচামাল এসবায়োগ্রিন	১৫%	২৫%	+০.৪৯	
৩৭।	এডহেসিভ ড্রেসিং ও সমপর্যায়ভুক্ত সামগ্রী	১৫%	২৫%	+০.২১	
৩৮।	কপার ও এ্যালুমিনিয়াম রড/ওয়্যার	২৫%	১৫%		-২.৬০
৩৯।	এ্যালুমিনিয়াম বেস ক্যাপ	১৫%	৩৭.৫%	+০.৬৬	
৪০।	নোট কাউন্টিং মেশিন	০%	১৫%	+০.১১	
৪১।	শ্যুটিং প্রতিযোগিতায় ব্যবহৃত রাইফেল	৩৭.৫%	১৫%		-০.০১
৪২।	খেলা খেলায় ব্যবহৃত বিভিন্ন ধরনের পোষাক পরিচ্ছদ	৩৭.৫%	১৫%		-০.০১
৪৩।	শিক্ষামূলক প্রদর্শনীতে ব্যবহৃত প্রজেক্টর স্লাইড	৩৭.৫%	৫%		-০.০৩
৪৪।	টেলকম পাউডার	৫%	১৫%	+০.১৮	
৪৫।	বেবী ইনকিউবেটর	৫%	০%		-০.৮২
৪৬।	শিল্পের মূলধনী যন্ত্রপাতির যন্ত্রাংশ	৫%, ১৫%, ২৫%, ৩৭.৫%	৫%		-৩.০০

আমদানী, উৎপাদন বা উভয় পর্যায়ে মূল্য সংযোজন কর অব্যাহতি, আরোপ,  
সংকুচিত মূল্য ভিত্তি ও ট্যারিফ মূল্য নির্ধারন সম্পর্কিত প্রস্তাবাদি

মূল্য সংযোজন কর

১। প্রস্তাবিত অব্যাহতি : পণ্য -

(ক) আমদানী পর্যায় :

হেডিং নং/ এইচ, এস, কোড	পণ্যের বর্ণনা	মূল্য সংযোজন কর (শতাংশ)	
		বিদ্যমান	প্রস্তাবিত
২৫০৩.০০.০০	রক সালফার	১৫	শূণ্য
২৫১০.২০.১০	রক ফসফেট	১৫	শূণ্য
২৭১১.১৯.০০	এল.পি গ্যাস	১৫	শূণ্য
২৮০১.১০.০০	তরল ক্রোরিন	১৫	শূণ্য
২৮১৫.১১.০০	কস্টিক সোডা	১৫	শূণ্য
২৯.৩৬	পশু খাদ্যের প্রো-ভিটামিনস ও ভিটামিন	১৫	শূণ্য
৩২১৫.৯০.৯০	কম্পিউটার প্রিন্টারের ব্যবহৃত ইংক জেট, রিফিল কিটস্	১৫	শূণ্য
৩৯০১.১০.০০	পলিথিন পেলেট	১৫	শূণ্য
৮৭.০২	সিকেডি বাস	১৫	শূণ্য
৮৭.০২	(ক) সিএনজি চালিত ডাবল ডেকার	১৫	শূণ্য
	(খ) সিএনজি চালিত ৪০ বা তদুর্ধ্ব সিটের সাধারণ বাস	১৫	শূণ্য
৯৪০২.৯০.১০	হাসপাতাল বেড	১৫	শূণ্য

(খ) উৎপাদন পর্যায় :

হেডিং নং/ এইচ, এস, কোড	পণ্যের বর্ণনা	মূল্য সংযোজন কর (শতাংশ)	
		বিদ্যমান	প্রস্তাবিত
৩৭০৭.১০.০০	প্রিন্টারের টোনার কার্টিজ	১৫	শূণ্য
৪৮০১.০০.০০	নিউজপ্রিন্ট	আবগারী শুদ্ধ অব্যাহতি প্রাপ্ত	শূণ্য
৬৪০২.২০.০০	রাবারের হাওয়াই চপ্পল ও প্লাস্টিকের পাদুকা	প্রতি জোড়া অনুর্ধ্ব ৩০ টাকা পর্যন্ত	প্রতি জোড়া অনুর্ধ্ব ৪০ টাকা পর্যন্ত
৮৪.৭১	কম্পিউটার যন্ত্রপাতি, যন্ত্রাংশ, সিডিরম ড্রাইভ, সিডি,	১৫	শূণ্য
৮৫.১৭	মডেম	১৫	শূণ্য
৮৫.২৩	কম্পিউটারে ব্যবহার্য (আনরেকর্ডেড) ম্যাগনেটিক টেপ ও ডিস্ক	১৫	শূণ্য
৮৫.২৪	সফটওয়্যার	১৫	শূণ্য
৮৭.০৪	ট্রাকের বডি নির্মাণ	১৫	শূণ্য

(গ) আমদানী ও উৎপাদন পর্যায় :

৫০০৪.০০.০০	রেশম সুতা	১৫	শূণ্য
৮৪.৪৮	টেক্সটাইল ও জুট মিলস এর খুচরা যন্ত্রাংশ	১৫	শূণ্য

২। প্রস্তাবিত আরোপ : পণ্য-

আমদানী পর্যায় :

৯৪.০৬	ইস্পাত ও অ্যালুমিনিয়ামের তৈরী প্রি-ফ্যাব্রিকেটেড বিল্ডিং	শূণ্য	১৫
-------	---	-------	----

৩। প্রস্তাবিত আরোপ : সেবা-

চার্টারে বিমান বা হেলিকপ্টার ভাড়া প্রদানকারী	শূণ্য	১৫
ভিডিও ও অডিও এবং সিডি ভাড়া প্রদানকারী	শূণ্য	১৫



## ৪। প্রস্তাবিত অব্যাহতি : সেবা-

বিবরণ	বর্তমান	প্রস্তাবিত
ভূমি বিক্রয় : মেট্রোপলিটন, মিউনিসিপ্যাল কর্পোরেশন, পৌর এলাকা	সকল ক্ষেত্রে ১৫% মূল্য ভিত্তি	(ক) মেট্রোপলিটন, মিউনিসিপ্যাল কর্পোরেশন ও প্রথম শ্রেণীর পৌরসভার ক্ষেত্রে ১৫%;  (খ) অন্যান্য পৌরসভার ক্ষেত্রে ১০%;
তৈরী পোষাকের বিক্রয় কেন্দ্র	সমগ্র বাংলাদেশ	মেট্রোপলিটন এলাকা ও প্রথম শ্রেণীর পৌরসভা ব্যতীত অন্যান্য এলাকা;
কম্পিউটার ও কম্পিউটার যন্ত্রাংশের যোগানদার	১৫	শূণ্য

## ৫। প্রস্তাবিত সংকুচিত মূল্য ভিত্তি :

৮৫.০৪	ইউপিএস	মোট বিক্রয় মূল্য	সংকুচিত মূল্য ভিত্তিতে ২.৫% হারে কর নির্ধারণ
৮৫.০৭	আইপিএস		
৮৫.৩৪	টেলিভিশন, ভিসিআর, ভিসিডি ছাড়া অন্যান্য ইলেক্ট্রনিক পণ্যাদি		
৮৫.৩৭	ভোলটেজ ট্রান্সফর্মার, ভোলটেজ প্রটেক্টর / গার্ড		

## ৬। প্রস্তাবিত ট্যারিফ মূল্য :

বিবরণ	বর্তমান	প্রস্তাবিত
(১) ৫০০ মেঃ টন পণ্যবাহী যান্ত্রিক নৌ-যান	৩৩% সংকুচিত মূল্য ভিত্তির ১৫% হারে	১০ লাখ টাকা
(২) ৫০০ জন যাত্রী ধারণ ক্ষমতা সম্পন্ন যান্ত্রিক নৌ-যান	৩৩% সংকুচিত মূল্য ভিত্তির ১৫% হারে	১২ লাখ টাকা
(৩) অন্যান্য ক্ষমতা সম্পন্ন যান্ত্রিক নৌ-যান	৩৩% সংকুচিত মূল্য ভিত্তির ১৫% হারে	ক্রমিক নং (১) ও (২) এর আনুপাতিক হারে মূল্য

৭। টিস্যু পেপার ও জুতার খুচরা মূল্যের ভিত্তিতে কর নিরূপণের পদ্ধতি রহিতকরণ।

**আমদানী, উৎপাদন বা উত্তর পর্যায়ে সম্পূরক শুদ্ধ অব্যাহতি প্রদান, হাঙ্গ, বৃদ্ধি,  
আরোপ ও পুনর্বিন্যাস সম্পর্কিত প্রস্তাবাদি**

**সম্পূরক শুদ্ধ**

**১। প্রস্তাবিত অব্যাহতি -**

**(ক) আমদানী পর্যায় :**

হেডিং নং/ এইচ,এস,কোড	পণ্যের বর্ণনা	সম্পূরক শুদ্ধ (শতাংশ)	
		বিদ্যমান	প্রস্তাবিত
১৭০২.৩০.১০	ডেব্রট্রোজ মনোহাইড্রেট	১০	শূণ্য
২৯১৭.৩২.০০	ডিওপি	১০	শূণ্য
৩৯০৪.১০.০০	পিভিসি রেজিন	৫	শূণ্য
৩৯০৪.২১.০০			
৩৯২০.১০.০০			
৩৯২০.১০.০০	পলিপ্রোপাইলিন	৫	শূণ্য
৩৯২০.৯৯.১০	ব্রিস্টার প্যাকিং এর জন্য ফিল্ম	৫	শূণ্য

**(খ) উৎপাদন পর্যায় :**

২২০১.১০.০০	মিনারেল ওয়াটার এবং এয়ারেটেড ওয়াটার	৩০	শূণ্য
২৭১৩.২০.১০	বুচরা প্যাকিং ও ড্রামে বিক্রয়যোগ্য বিটুমিন	৭.৫	শূণ্য
২৭১৪.৯০.২০			
৩৯২৩.৯০.৯০	মুদ্রণযুক্ত লেমিনেটেড টিউব	৫	শূণ্য
৪৪.১০	পার্টিকেল, লেমিনেটেড ভিনিয়ার ও ভিনাইল বোর্ড, প্রাইউড এবং ডোর	১০	শূণ্য
৪৪.১২ ও			
৪৪.১৮			
৪৮০৩.০০.০০	টয়লেট অথবা ফেসিয়াল টিস্যু স্টক, টাওয়েল অথবা ন্যাপকিন স্টক	১০	শূণ্য
৪৮.০৪	হার্ডবোর্ড	২.৫	শূণ্য
৪৮১৮.০০.০০	টয়লেট পেপার, ন্যাপকিন পেপার ও টিস্যু পেপার	২৫	শূণ্য

হেডিং নং/ এইচ,এস,কোড	পণ্যের বর্ণনা	সম্পূরক শুল্ক (শতাংশ)	
		বিদ্যমান	প্রস্তাবিত
৪৮১৯.৩০.০০	স্যাক্স এন্ড ব্যাগস্ (৪০ সে.মি. ও তদূর্ধ্ব গ্রন্থ বেজ বিশিষ্ট)	১০	শূণ্য
৫৭.০১ থেকে ৫৭.০৫	কার্পেট ও অন্যান্য টেক্সটাইল ফ্লোর আচ্ছাদন	৩০	শূণ্য
৭০০৩.১২.০০	সম্পূর্ণভাবে রংকৃত নন ওয়্যার্ড শীট আকারে কাট অথবা রোল গ্লাস [অস্চছ, ফ্লাস্ড/এ্যাবজরবেনটসহ, রিফ্রেক্টিং হটক বা না হটক]	৩০	শূণ্য
৭০০৩.১৯.০০	অন্যান্য নন-ওয়্যার্ড শীট	৩০	শূণ্য
৭০০৫.২১.০০	সম্পূর্ণভাবে রংকৃত অন্যান্য নন-ওয়্যার্ড অস্চছ, ফ্লাস্ড/শুধুমাত্র সারফেস গ্রাউন্ড গ্লাস	৩০	শূণ্য
৭০০৫.২৯.০০	অন্যান্য নন-ওয়্যার্ড গ্লাস; অন্যান্য	৩০	শূণ্য
৮৫০৭.১০.০০	লেড এসিড ব্যাটারী (ইলেক্ট্রিক এ্যাকুমুলেটর)	২০	শূণ্য
৮৫০৭.৯০.০০	সেপারেটর	২০	শূণ্য
৮৫.১৯ (সকল এইচ,এস,কোড)	টার্গটেবল, রেকর্ড প্রেয়ার, ক্যাসেট প্রেয়ার ও অন্যান্য শব্দ রিপ্রডিউসিং যন্ত্রপাতি তবে শব্দ রেকর্ডিং কৌশলযুক্ত নহে (তৈরী ও বিযুক্ত)	১০	শূণ্য
৮৫.২০ (সকল এইচ,এস কোড)	ম্যাগনেটিক টেপ রেকর্ডার ও অন্যান্য শব্দ রেকর্ডিং যন্ত্রপাতি, শব্দ রিপ্রডিউসিং এর কৌশলযুক্ত হটক বা না হটক (তৈরী বা বিযুক্ত)	১০	শূণ্য
৮৫.২১ (সকল এইচ,এস,কোড)	ভিডিও রেকর্ডিং বা রিপ্রডিউসিং এর যন্ত্রপাতি (তৈরী বা বিযুক্ত)	৩৭.৫	শূণ্য
৮৫.২২(সকল এইচ,এস,কোড)	(ক) হেডিং নং ৮৫.১৯ থেকে ৮৫.২০ এ বর্ণিত যন্ত্রের সাথে ব্যবহারের উপযুক্ত অন্যান্য যন্ত্রাংশ; অন্যান্য যন্ত্রাংশ	১০	শূণ্য
	(খ) হেডিং নং ৮৫.২১ এর সকল এইচ, এস, কোড ভুক্ত বর্ণিত যন্ত্রাংশ ও একসেসরিজ	৩৭.৫	শূণ্য
৮৫.২৮(সকল এইচ,এস,কোড)	রসিন টেলিভিশন (তৈরী বা বিযুক্ত)	১৫	শূণ্য
৮৫২৯.৯০.৩০	টেলিভিশন (তৈরী ও বিযুক্ত) এর সাথে ব্যবহারের উপযুক্ত অন্যান্য যন্ত্রাংশ;	১০	শূণ্য

হেডিং নং/ এইচ,এস,কোড	পণ্যের বর্ণনা	সম্পূরক শুদ্ধ (শতাংশ)	
		বিদ্যমান	প্রস্তাবিত
৮৫৪০.১১.০০	রসিন ক্যাথোড রে টেলিভিশন পিকচার টিউব (ভিডিও ক্যাথোড রে টিউবসহ)	১০	শূণ্য
৮৭১৪.৯৩.১০	অযান্ত্রিক বাই-সাইকেলের যন্ত্রাংশ	১০	শূণ্য

## ২। প্রস্তাবিত হ্রাস :

## আমদানী পর্যায় :

০৪.০২	গুড়ো দুধ	১৫	৫
-------	-----------	----	---

## ৩। প্রস্তাবিত বৃদ্ধি :

## (ক) উৎপাদন পর্যায় :

৮৪.০৭	দুই স্ট্রোক বিশিষ্ট অটো রিক্সা, ইঞ্জিন এবং ইঞ্জিনযুক্ত চেসিস	১০০	২০০
৮৪.০৮			
৮৭.০৩			
৮৭.০৬			
৮৪০৭.৩১.২০			
৮৪০৭.৩২.২০	চার স্ট্রোক বিশিষ্ট অটো রিক্সা (থ্রি ইইলার), ইঞ্জিন এবং উহার ইঞ্জিনযুক্ত চেসিস	শূণ্য	১০০
৮৪০৭.৩৩.২০			
৮৪০৮.২০.২০			
৮৭০৩.২১.১২			
৮৭০৩.২১.১৪			
৮৭০৩.২২.১২			
৮৭০৩.২২.১৪			
৮৭০৩.৩১.১২			
৮৭০৩.৩১.১৪			
৮৭০৩.৯০.১২			
৮৭০৩.৯০.১৪			
৮৭০৬.০০.৩২			

## (খ) আমদানী পর্যায় :

হেডিং নং/ এইচ,এস,কোড	পণ্যের বর্ণনা	সম্পূরক শুল্ক (শতাংশ)	
		বিদ্যমান	প্রস্তাবিত
৪৮.০৩.০০.০০	টয়লেট বা ফেসিয়াল টিস্যু স্টক টাওয়েল বা ন্যাপকিন স্টক	৫	১০
৪৮.১৮ (সংশ্লিষ্ট এইচ,এস কোড)	টয়লেট পেপার, টিস্যু পেপার, টাওয়েল বা ন্যাপকিন পেপার	২০	২৫
৫৭.০১ থেকে ৫৭.০৫	কার্পেট ও অন্যান্য টেক্সটাইল ফ্লোর আচ্ছাদন	৩০	১০০
৭০০৩.১২.০০	সম্পূর্ণভাবে রংকৃত নন-ওয়ার্ড শীট আকারে কাট অথবা রোল গ্রাস [অস্চছ, ফ্লাসড/এ্যাবজরবেন্টসহ, রিফ্রেসিং হটক বা না হটক]	১০	৩০
৭০০৩.১৯.০০	অন্যান্য নন-ওয়ার্ড শীট	১০	৩০
৭০০৫.২১.০০	সম্পূর্ণভাবে রংকৃত অন্যান্য নন-ওয়ার্ড অস্চছ, ফ্লাসড/ শুধু - মাত্র সারফেস গ্রাউন্ড গ্রাস	১০	৩০
৭০০৫.২৯.০০	অন্যান্য নন-ওয়ার্ড গ্রাস; অন্যান্য	১০	৩০
৮৫.১৯ (সকল এইচ,এস,কোড)	টার্ণটেবল, রেকর্ড প্রেয়ার, ক্যাসেট প্রেয়ার ও অন্যান্য শব্দ রিপ্রডিউসিং যন্ত্রপাতি তবে শব্দ রেকর্ডিং কৌশলযুক্ত নহে (তৈরী ও বিযুক্ত)	১০ ০	১০
৮৫.২০ (সকল এইচ,এস,কোড)	ম্যাগনেটিক টেপ রেকর্ডার ও অন্যান্য শব্দ রেকর্ডিং যন্ত্রপাতি, শব্দ রিপ্রডিউসিং এর কৌশলযুক্ত হটক বা না হটক (তৈরী বা বিযুক্ত)	১০ ০	১০
৮৫.২১ (সকল এইচ,এস,কোড)	ভিডিও রেকর্ডিং বা রিপ্রডিউসিং এর যন্ত্রপাতি (তৈরী বা বিযুক্ত)	৩৭.৫ ০	৩৭.৫
৮৫২২.৯০.১০ ৮৫২২.৯০.২০	হেডিং নং ৮৫.১৯ থেকে ৮৫.২০ এ বর্ণিত যন্ত্রপাতির যন্ত্রাংশ ও একসেসরিজ	৫	১০

হেডিং নং/ এইচ,এস,কোড	পণ্যের বর্ণনা	সম্পূরক শুদ্ধ (শতাংশ)	
		বিদ্যমান	প্রস্তাবিত
৮৫২২.৯০.৯০	হেডিং নং ৮৫.২১ এ বর্ণিত যন্ত্রপাতির যন্ত্রাংশ ও একসেসরিজ	৫	৩৭.৫০
৮৫২৯.৯০.৩০	গুধুমাত্র হেডিং নং-৮৫.২৮ এ বর্ণিত যন্ত্রের সাথে ব্যবহারের উপযুক্ত অন্যান্য যন্ত্রাংশ	৫	১৫
৮৫৪০.১১.০০	রঙ্গিন টেলিভিশনের ক্যাথোড রে টিউব (সিআরটি)	৫	১৫
৮৪০৭.৩১.১০	দুই স্টোক বিশিষ্ট অটো রিক্সা (থ্রি হুইলার), ইঞ্জিন এবং ইঞ্জিন যুক্ত চেসিস	১০০	২০০
৮৪০৭.৩২.১০			
৮৪০৭.৩৩.১০			
৮৪০৮.২০.১০			
৮৭০৬.০০.৩১			
৮৭০৩.২১.১১			
৮৭০৩.২১.১৩			
৮৭০৩.২২.১১			
৮৭০৩.২২.১৩			
৮৭০৩.৩১.১১			
৮৭০৩.৩১.১৩			
৮৭০৩.৯০.১১			
৮৭০৩.৯০.১৩			
৮৫.২৮ (সকল এইচ,এস,কোড)	রঙ্গিন টেলিভিশন (ভেরী বা বিয়ুক্ত)	১৫ ০.	১৫

## ৪। প্রস্তাবিত আরোপ :

## (ক) আমদানী পর্যায় :

২২০১.১০.০০	মিনারেল ওয়াটার এবং গ্র্যারেটেড ওয়াটার	শূণ্য	৩০
২৭১৩.২০.১০	ড্রাম এবং অন্যান্য খুচরা মোড়কে বিটুমিন	শূণ্য	৭.৫
২৭১৪.৯০.২০			
৩৯.২৩	কালো পলিথিন ব্যাগ	শূণ্য	২০

হেডিং নং/ এইচ,এস,কোড	পণ্যের বর্ণনা	সম্পূরক শুদ্ধ (শতাংশ)	
		বিদ্যমান	প্রস্তাবিত
৩৯২৩.৯০.৩০	মুদ্রণযুক্ত লেমিনেটেড টিউব	শূণ্য	৫
৪৪.১০	পার্টিকেল, লেমিনেটেড ভিনিয়ার ও ভিনাইল বোর্ড, প্রাইউড এবং ডোর	শূণ্য	১০
৪৪.১২ ও			
৪৪.১৮			
৪৮.০৪	হার্ডবোর্ড	শূণ্য	২.৫
৪৮১৯.৩০.০০	স্যাক্স এন্ড ব্যাগস্ (৪০ সে.মি. ও তদূর্ধ্ব গ্রন্থ বেজ বিশিষ্ট)	শূণ্য	১০
৮৫০৭.১০.০০	লেড এ্যাসিড ব্যাটারী (ইলেকট্রিক এ্যাকুমুলেটর)	শূণ্য	২০
৮৫০৭৯০.০০	সেপারেটর	শূণ্য	২০
৮৫.২৮	রঙ্গিন টেলিভিশন (তৈরী বা বিযুক্ত)	১৫ ০	১৫
৮৪০৭.৩১.২০	চার স্ট্রোক বিশিষ্ট অটো রিক্সা (প্রি হুইলার), ইঞ্জিন এবং উহার ইঞ্জিনযুক্ত চেসিস	শূণ্য	১০০
৮৪০৭.৩২.২০			
৮৪০৭.৩৩.২০			
৮৪০৮.২০.২০			
৮৭০৩.২১.১২			
৮৭০৩.২১.১৪			
৮৭০৩.২২.১২			
৮৭০৩.২২.১৪			
৮৭০৩.৩১.১২			
৮৭০৩.৩১.১৪			
৮৭০৩.৯০.১২			
৮৭০৩.৯০.১৪			
৮৭০৬.০০.৩২			
৮৭.০৪ (সকল এইচ,এস,কোড)	পুরাতন/রিকভিশন্ড পিক-আপ	শূণ্য	৫

## (খ) উৎপাদন পর্যায় :

হেডিং নং/ এইচ,এস,কোড	পণ্যের বর্ণনা	সম্পূরক শুদ্ধ (শতাংশ)	
		বিদ্যমান	প্রস্তাবিত
৩৯.২৩	কালো পলিথিন ব্যাগ	শূণ্য	২০
৮৪০৭.৩১.২০			
৮৪০৭.৩২.২০			
৮৪০৭.৩৩.২০			
৮৪০৮.২০.২০			
৮৭০৩.২১.১২			
৮৭০৩.২১.১৪			
৮৭০৩.২২.১২	চার স্ট্রোক বিশিষ্ট অটো রিক্সা (প্রি হইলার), ইঞ্জিন এবং উহার ইঞ্জিনযুক্ত চেসিস	শূণ্য	১০০
৮৭০৩.২২.১৪			
৮৭০৩.৩১.১২			
৮৭০৩.৩১.১৪			
৮৭০৩.৯০.১২			
৮৭০৩.৯০.১৪			
৮৭০৬.০০.৩২			

## ৫। প্রস্তাবিত পুণর্বিন্যাস-

## (ক) উৎপাদন পর্যায় :

এইচ, এস, কোড	পণ্য	বর্তমান বর্ণনা	বর্তমান সম্পূরক শুদ্ধতার (শতাংশ)	প্রস্তাবিত বর্ণনা	প্রস্তাবিত সম্পূরক শুদ্ধতার (শতাংশ)
২৪০২.২০.০০	সিগারে ট	দুই টাকা পঞ্চাশ পয়সা হতে দুই টাকা নিরানব্বই পয়সা পর্যন্ত	৩৫	তিন টাকা হতে চার টাকা নিরানব্বই পয়সা পর্যন্ত	৪০



এইচ, এস, কোড	পণ্য	বর্তমান বর্ণনা	বর্তমান সম্পূরক শুল্কহার (শতাংশ)	প্রস্তাবিত বর্ণনা	প্রস্তাবিত সম্পূরক শুল্কহার (শতাংশ)
		তিন টাকা হতে নয় টাকা নিরানকই পয়সা পর্যন্ত	৪৯	পাঁচ টাকা হতে নয় টাকা নিরানকই পয়সা পর্যন্ত	৪৯
		দশ টাকা হতে উনিশ টাকা নিরানকই পয়সা পর্যন্ত	৫০	দশ টাকা হতে উনিশ টাকা নিরানকই পয়সা পর্যন্ত	৫০
		বিশ টাকা হতে চব্বিশ টাকা নিরানকই পয়সা পর্যন্ত	৫১	বিশ টাকা ও ততোধিক	৫১
		পঁচিশ টাকা হতে চোত্রিশ টাকা নিরানকই পয়সা পর্যন্ত	৫২		
		পঁয়ত্রিশ টাকা বা ততোধিক	৫৩		

(খ) আমদানী পর্যায় :

এইচ, এস, কোড	পণ্য	বর্তমান বর্ণনা	বর্তমান সম্পূরক শুল্কহার (শতাংশ)	প্রস্তাবিত বর্ণনা	প্রস্তাবিত সম্পূরক শুল্ক হার (শতাংশ)
৮৭০৩	মোটর গাড়ী	সিলিভার ক্যাপাসিটি ৮৫০ সিসির উর্ধ্বে নয়	১২.৫	সিলিভার ক্যাপাসিটি ৮৪৯ সিসি পর্যন্ত	১২.৫

এইচ, এস, কোড	পণ্য	বর্তমান বর্ণনা	বর্তমান সম্পূরক উদ্ধৃতির (শতাংশ)	প্রস্তাবিত বর্ণনা	প্রস্তাবিত সম্পূরক উদ্ধৃতির (শতাংশ)
		সিলিভার ক্যাপাসিটি ৮৫০ সিসির উর্ধ্বে কিন্তু ১০০০ সিসির উর্ধ্বে নয়	৩২.৫	সিলিভার ক্যাপাসিটি ৮৫০ সিসি হতে ১০৪৯ সিসি পর্যন্ত	২৫
		সিলিভার ক্যাপাসিটি ১০০০ সিসির উর্ধ্বে কিন্তু ১৩০০ সিসির উর্ধ্বে নয়	৫২.৫	সিলিভার ক্যাপাসিটি ১০৫০ সিসি হতে ১৩৪৯ সিসি পর্যন্ত	৪৫
		সিলিভার ক্যাপাসিটি ১৩০০ সিসির উর্ধ্বে কিন্তু ১৬০০ সিসির উর্ধ্বে নয়	৭২.৫	সিলিভার ক্যাপাসিটি ১৩৫০ সিসি হতে ১৬৪৯ সিসি পর্যন্ত	৬৫
		সিলিভার ক্যাপাসিটি ১৬০০ সিসির উর্ধ্বে কিন্তু ১৮০০ সিসির উর্ধ্বে নয়	৯২.৫	সিলিভার ক্যাপাসিটি ১৬৫০ সিসি হতে ১৮৪৯ সিসি পর্যন্ত	৮৫
		সিলিভার ক্যাপাসিটি ১৮০০ সিসির উর্ধ্বে কিন্তু ২০০০ সিসির উর্ধ্বে নয়	১১২.৫	সিলিভার ক্যাপাসিটি ১৮৫০ সিসি হতে ২০৪৯ সিসি পর্যন্ত	১১০
		সিলিভার ক্যাপাসিটি ২০০০ সিসির উর্ধ্বে কিন্তু ২৫০০ সিসির উর্ধ্বে নয়	১২৭.৫	সিলিভার ক্যাপাসিটি ২০৫০ সিসি ও তদূর্ধ্ব	১২০
		সিলিভার ক্যাপাসিটি ২৫০০ সিসির উর্ধ্বে	১৫২.৫		

১লা জুলাই, ২০০০ ইংরেজী থেকে বিভিন্ন সেভিংস ইনস্টিটুটস্ এর প্রস্তাবিত নতুন মুনাফার হারের তালিকা :-

সেভিংস ইনস্টিটুটগুলি নিম্নে উল্লেখ করা হলো :-

- (ক) প্রতিরক্ষা সঞ্চয়পত্র
- (খ) ৫-বছর মেয়াদী বাংলাদেশী সঞ্চয়পত্র
- (গ) পরিবার সঞ্চয়পত্র
- (ঘ) তিন মাস অন্তর মুনাফাভিত্তিক সঞ্চয়পত্র
- (ঙ) ছয় মাস অন্তর মুনাফাভিত্তিক সঞ্চয়পত্র
- (চ) জামানত সঞ্চয়পত্র

(ক) প্রতিরক্ষা সঞ্চয়পত্র (৮-বছর মেয়াদী) :

বর্তমান মুনাফার হার		প্রস্তাবিত মুনাফার হার
১ম বৎসরান্তে	১০.৭৫%	৯.৫০%
২য় বৎসরান্তে	১১.৭৫%	১০.৫০%
৩য় বৎসরান্তে	১২.৭৫%	১১.৫০%
৪র্থ বৎসরান্তে	১৩.৭৫%	১২.৫০%
৫ম বৎসরান্তে	১৪.৭৫%	১৩.৫০%
৬ষ্ঠ বৎসরান্তে	১৫.৭৫%	১৪.৫০%
৭ম বৎসরান্তে	১৬.৭৫%	১৫.৫০%
৮ম বৎসরান্তে	১৭.৭৫%	১৬.৫০%

(খ) ৫-বছর মেয়াদী বাংলাদেশী সঞ্চয়পত্র :

বর্তমান মুনাফার হার		প্রস্তাবিত মুনাফার হার
১ম বৎসরান্তে	১০.৫০%	৯.২৫%
২য় বৎসরান্তে	১১.৫০%	১০.২৫%
৩য় বৎসরান্তে	১২.৫০%	১১.২৫%
৪র্থ বৎসরান্তে	১৩.৫০%	১২.২৫%
৫ম বৎসরান্তে	১৪.৫০%	১৩.২৫%

## (গ) পরিবার সঞ্চয়পত্র (৫-বছর মেয়াদী) :

সঞ্চয়পত্রের মূল্যমান (টাকা)	বর্তমান মুনাফার হার : ১৩.২০% মাসিক প্রদেয় মুনাফা (টাকা)	প্রস্তাবিত মাসিক মুনাফার হার : ১০.৮০% প্রস্তাবিত মাসিক প্রদেয় মুনাফা (টাকা)
১০,০০০	১১০	৯০
২০,০০০	২২০	১৮০
৫০,০০০	৫৫০	৪৫০
১,০০,০০০	১,১০০	৯০০
২,০০,০০০	২,২০০	১,৮০০
৫,০০,০০০	৫,৫০০	৪,৫০০

১ বছর পর এবং ৫ বছর মেয়াদ পূর্তীর পূর্বে সঞ্চয়পত্র ভাঙগালে ৮.৫% হারে প্রতি মাসে মুনাফা প্রদেয় হবে ।

## (ঘ) তিন মাস অন্তর মুনাফাভিত্তিক সঞ্চয়পত্র (তিন বছর মেয়াদী) :

সঞ্চয়পত্রের মূল্যমান (টাকা)	বর্তমান মুনাফার হার : ১৩.৫০% ৩-মাস অন্তর প্রদেয় মুনাফা (টাকা)	প্রস্তাবিত মুনাফার হার : ১১.০০% ৩-মাস অন্তর প্রদেয় মুনাফা (টাকা)
১,০০,০০০	৩,৩৭৫/-	২,৭৫০/-
২,০০,০০০	৬,৭৫০/-	৫,৫০০/-
৫,০০,০০০	১৬,৮৭৫/-	১৩,৭৫০/-
১০,০০,০০০	৩৩,৭৫০/-	২৭,৫০০/-

তিন বছর মেয়াদ পূর্তীর পূর্বে ভাঙগালে ১ম বছরান্তে ৯% এবং ২য় বছরান্তে ১০% হারে মুনাফা প্রদেয় হবে ।

## (ঙ) ছয় মাস অন্তর মুনাফাভিত্তিক সঞ্চয়পত্র (৫ বছর মেয়াদী) :

সঞ্চয়পত্রের মূল্যমান (টাকা)	বর্তমান মুনাফার হার : ১৩.৫০% ৬-মাস অন্তর প্রদেয় মুনাফা (টাকা)	প্রস্তাবিত মুনাফার হার : ১১.০০% ৬-মাস অন্তর প্রদেয় মুনাফা (টাকা)
১,০০,০০০	৬,৭৫০/-	৫,৫০০/-
২,০০,০০০	১৩,৫০০/-	১১,০০০/-
৫,০০,০০০	৩৩,৭৫০/-	২৭,৫০০/-
১০,০০,০০০	৬৭,৫০০/-	৫৫,০০০/-

পাঁচ বছর মেয়াদ পূর্তীর পূর্বে ভাংগালে ১ম বছরান্তে ৯.৫% এবং ২য় বছরান্তে ১০.৫%, ৩য় বছরান্তে ১১.৫% এবং ৪র্থ বছরান্তে ১২.৫% হারে মুনাফা প্রদেয়।

(চ) জামানত সঞ্চয়পত্র (তিন বছর মেয়াদী) :

বর্তমান মুনাফার হার	প্রস্তাবিত মুনাফার হার
১ম বছরান্তে ৫%	৪%
২য় বছরান্তে ৫.৫%	৪.৫%
৩য় বছরান্তে ৬%	৫%
নবায়নের ক্ষেত্রে সর্বোচ্চ ৩ বছর ৬%	৫%

৩-বছর মেয়াদী জাতীয় বিনিয়োগ বন্ড :

বর্তমান মুনাফার হার	প্রস্তাবিত মুনাফার হার
৮.৫০%	৭.৫০%